

ILAY HAVANA MAHAVOTRA

 Misaotra anao, Rahalahy Neville. Ny Tompo hitahy anao. Tena tsara ny tafaverina indray, izao maraina izao, tafaverina ato an-tranon'ny Tompo. Mino aho fa izao no voalaza, indray mandeha hoe, “Faly aho rehefa hoy izy ireo tamiko hoe, ‘Ndao isika handeha any an-tranon’ny Tompo.””

Charlie, mivoaha avy ao ambadik’io andry io, dia avia eto ka makà sezà iray. Avia eto. Ranabavy, misy sezà iray ve eo aorianà eo, any ho any, izay azontsika asisika? Eto misy toerana iray *eto* mihitsy, ramatoa. Avia eto mihitsy. Eto, Charlie, avia eto ary mipetraha eto akaikin’i Banks eto, mba tsy voatery hitsangana ianao. Isaky ny tonga avy any Kentucky any io zazalahy io, tonga eto, dia mitsangana izy, isa-maraina. Ary haka azy ho eto mihitsy izahay.

² Ity misy toerana iray eto, eo amin’ny faran’ny sezà eto, ho an’ny olon-kafa iray. [Hoy Rahalahy Neville hoe, “Eto dia misy ramatoa iray, ihany koa.”—Mpand.] Misy ramatoa iray mitsangana eny aorianà, iry aorianà iry. Avia eto mihitsy. Ity misy sezà iray eto, ranabavy, manatòna avy hatrany. Avia eto aloha mihitsy. Ary ataoko fa misy olona iray ao anatin’ny sezà misy kodiarana. Sa tsy izany? [Hoy ny anabavy iray hoe, “Ranadahy Branham?”] Eny. [“Misy sezà iray mihitsy eto.”] Misy sezà iray hafa *eto* mihitsy. Raha misy olona mila anankiray, ery amin’ny farany aorianà, *eto* mihitsy dia misy sezà iray eto mihitsy. [Hoy ny rahalahy iray hoe, “Ary ity misy anankiray, Rahalahy Branham.”] Eto misy anankiray eto mihitsy, ihany koa, izay mampety ny tenanareo fotsiny. [“Anankiray hafa, eto.”] Eny. Afaka mahazo anankiray ianareo eto mihitsy. Ankehitriny, tongava avy hatrany, raiso ny sezanareo. Ary aoka hahatsapa fotsiny ho tena... .

³ Tianay ianareo hahazo aina raha miezaka mitondra ny Tenin’ny Tompo izahay. Oh, tsara tokoa ny tonga eto.

⁴ Tsy nahita an’i Charlie teto amin’ny lampihazo aho. Ao aorianà ao ve izy? Eny, asaivo manketo izy. Oadray! Efa niaraka tamin’i Charlie aho, tany, tamin’ireo andro vitsy farany, ary tsy afaka nandalo aho ka tsy nandeha nankany an-tranony ary nihinana, noho izany dia hitondra azy eto amin’ny lampihazo mihitsy aho, izao maraina izao. Isaky ny tonga eto izy, dia mitsangana manodidina ny rindrina eo, mba hanome sezà ho an’ny olona iray. Noho izany dia njery aho izao maraina izao ka nahita azy nitsangana teo, nieritreritra aho hoe, “Izaho dia—hitondra azy eto aho ankehitriny.” Eny, izany dia—tsara izany. Ankehitriny dia hanana ny hafatra isika izao maraina izao avy amin-dRahalahy Russell Cox. [Mihomehy Rahalahy

Branham sy ny fiangonana—Mpand.] Aiza i Nellie? Izaho... Ho fitsangatsanganana tsara iray ho azy izany. Aiza? Hia. Izay ilay izy.

⁵ Eny, azoko antoka fa faly aho ny mahita maro be amin'ireo sakaizako eo. Tamin'ny Alahady lasa rehefa niainga aho, dia nahatsapa ho ratsy aho ny herinandro manontolo. Nanana sakaiza tsara iray aho nipetraka teto, avy tany Atsimo lavitra tany, Rahalahy West. Ary nandeha nanodidina aho, nanerana ny mpanatrika, efa tara. Hoy aho hoe, "Faly aho ny mahita an-dRanona-sy-ranona ary Ranona-sy-ranona," dia njery teo an-tampon-dRahalahy West mihitsy aho, nefà tsy mihitsy—tsy nahamarika azy mihitsy raha tsy efa nanomboka nivoaka izy. Avy eo dia nieritreritra aho, ny herinandro manontolo hoe, "Hihevitra i Rahalahy West fa izaho—ninia njery azy fotsiny aho." Saingy izy dia—Kristiana iray izy, noho izany dia mahafantatra tsaratsara kokoa noho izany izy. Fantany fa izaho... tena sakaiza iray. Ary fantatro fa fantany, fa tsy hanao an'izany aho.

⁶ Nieritreritra aho izao maraina izao, rehefa tonga, mahita an'ireo olona izay avy any amin'ireo toerana samihafa. Ankehitriny, eto Rahalahy West iry aoriana iry indray, izao maraina izao. Ary eto Rahalahy sy Ranabavy Kidd, avy any Ohio. Ary ny sasany amin'ny...

Fantatro fa eto Rahalahy Evans. Nandeha njery azy aho, omaly tolakandro, tany amin'ny tranom-bahiny, saingy ataoko fa nivoaka niaraka tamin-dRahalahy Fred sy izy ireo izy. Ary tonga avy any Macon lavitra any izy ireo, Georgia, eto, isaky ny Alahady izay iresahako. Avy any Macon, Georgia, lâlana lava izany any. Izany dia eo amin'ny valonjato maily, na mihoatra, heveriko, any. Mamily eo amin'izany miaraka amin'ny fianakaviany, isaky ny miresaka aho. Ary mahatoky izany.

⁷ Ary izaho dia—dia nieritreritra, oh, arak'izany, hoe raha manana sakaiza tahaka an'izany ianareo, izay te-hitsangana eo akaikinareo! Ankehitriny, izany...ireo olona ireo dia tsy tonga avy any Georgia lavitra any, sy Ohio, ary ireo ampahany samihafa an'ny firenena, hanketo amin'ity tabernakla kely eto ity, mba hihaino ahy. Tonga eto izy ireo satria mino an'ity Hafatra ity. Izany no inoan'izy ireo. Mino an'ity Hafatra ity izy ireo. Ary noho izany dia toy ny ahoana no tsy maintsy hampahitsy fo sy haha-tso-po ahy amin'ity Hafatra ity! Satria, tsy—tsy ny tenako fotsiny ihany, no ho diso, fa mitarika olon-kafa ho diso aho. Hitانareo? Ary avy eo dia hihazona ahy ho tompon'andraikitra amin'ny fahadisoan'izy ireo Andriamanitra, satria izaho no ilay anankiray izay nampianatrà an'izany. Hitانareo?

⁸ Ary teneniko aminareo, manao anareo hieritreritra lalina izany rehefa tonga eo amin'ny fieritreretana an'ireo fepetra

tahaka an'izany ianareo. Noho izany aho—mankasitraka ny tsirairay avy aminareo aho, tena tsara ny mahafantatra fa namily fiara teo amin'ireo an-jatony maily ireo ianareo, nanerana an'ireo lalana mampidi-doza sy teo amin'ireo lala-malalaka lehibe, misy an'ireo lozam-pifamoivoizana sy ny sisa. Ny finoanareo an'Andriamanitra no manamory anareo manerana, na ahoana na ahoana, mitondra anareo eto sy mitondra anareo miverina. Tena faly izahay ny manana an'ireo sakaiza amin'izany karazany izany. Mivavaka aho mba ho eo aminareo ireo fitahian'Andriamanitra manan-karena.

⁹ Ankehitriny, tamin'ny Alahady lasa, izaho—hoy aho hoe, “Eny, hiresaka isika, ary avy eo dia hiantso laharam-bavaka iray fotsiny aho.” Niezaka aho ny hikaroka fomba iray, mba hanandrana hahita fomba iray hivavahana ho an’ny olona betsaka. Ary raha mahavita maro mihoatra tahaka ny tamin’ny Alahady lasa aho, izaho... hivavaka ho ahy ny olona iray. Niala avy tetra ato, saiky tamin’ny roa ora. Ary izaho—tsy nizara karatra fangataham-bavaka aho.

¹⁰ Asa mafy ny mizara karatra fangataham-bavaka. Tsy fantatro na fantatrareo izany, na tsia, ankahalain’ny olona ianareo. Ary Rahalahy Banks Wood, dia nilaza, indray andro, raha tany Kentucky tany izahay, hoe hilatsaka an-tsitraro izy ka hizara karatra fangataham-bavaka raha tsy tonga i Billy. Noho izany i Billy, izay zanakolahy manokana, fantatrareo, nahoana, izy ireo... Mahazo taratasy vitsivitsy aho hoe, “Nampantanena ahy karatra fangataham-bavaka iray izy nefy tsy nomeny ahy izany. Ilay voalavo kely!” Noho izany izy ireo... Tsy afaka manome azy ireo ho an’ny olona rehetra izy. Ary tsy afaka maka be loatra ao anatin’ilay laharana izahay! Hitanareo? Tsy maintsy miaro ahy izy.

¹¹ Ary—ary rehefa lasa izahay, dia hoy ny vinantovaviko hoe, “Bill, tokony haka an’i Billy indray ianao eo ho an’ireo karatra fangataham-bavaka, raha tsy izany,” hoy izy, “dia tsy hahatanty ela mihitsy ianao.”

¹² Ary, noho izany, fa teo amin’izay nanaovako fahadisoana, dia ny nanomboka an’ilay famantarana, avy eo dia niverina ny olona iray, manao hoe, “Adinoko, fa ny reniko dia te-hivavahana.” Fantatrareo hoe ho an’ny inona no iverenan’izy ireo, dia ho an’io famantarana io, hitanareo. Noho izany, fa, tsy manome tsiny azy ireo aho. Manao an’ilay zavatra iray ihany aho. Hitanareo? Izaho dia hanao an’ilay... Olombelona isika, ary te-ho velona isika rehetra, ary tiantsika ny hahafantatra an’izay hatao. Izany no maha-izy antsika... Fa hatreto ihany no azonareo ahatongavana eo amin’ireo zavatra ireo, ianareo, ny amin’ny fanomezam-pahasoavana iray, ary avy eo dia saiky voasasa fotsiny ianareo, rehefa mitranga indroa izany.

¹³ Ary noho izany dia saika hizara an'ireo karatra fangataham-bavaka Rahalahy Banks izao maraina izao, fa sendra tonga i Billy omaly hariva. Noho izany dia nihevitra aho fa hahatsiravina, ny hanao lehilahy iray miaraka amin'ny laza tsara, sy ny sisa tahaka an-dRahalahy Wood, hizara karatra fangataham-bavaka, hahatongavan'ireo olona eo aminy. Ataoko fa tsy mampaninona an'i Billy izany. Efa ela mihitsy no nananany azy ireo tonga teo aminy, noho izany dia avelany handeha fotsiny izany. Eny àry.

¹⁴ Ankehitriny—ankehitriny amin'ity herinandro ity dia tokony ho any Dallas aho, amin'io Zoma hariva ho avy io, any amin'ny favorian'ny Voice of Healing. Raha misy olona manodidina any, dia tokony ho any aho mandritr'io hariva iray io, mba hiresaka ao amin'ny favorian'izy ireo. Ary tiako ny hiresaka eo amin'ny lohahevitra hoe *Ny Fanatonana Ho Amin'Ny Fiombonana*, raha sitraky ny Tompo.

¹⁵ Ary avy eo, angamba, angamba ny Alahady manaraka, izany dia ho amin'io Alahady heriny ho avy io, raha sitraky ny Tompo. Ankehitriny tsy dia azoko antoka loatra. Raha sitraky ny Tompo, te-hiverina aho ka hiresaka eo amin'ny lohahevitra izay natao ho resahako androany, *Ilay Rivotra Ao Anatin'Ny Tadio*. Ary saika hivavaka ho an'ny marary aho, androany. Ary raha ny marina dia karazana fananarana maranitra iray ho an'ny—ho an'ny fiangonana izany noho ireo fahotany. Ary—ary tsy lohahevitra tena tsara iray ho resahaha izany rehefa hiantso laharam-bavaka iray ianareo. Tsy maintsy manorina ny finoan'ny olona ho... ho amin'ny vavaka ianareo, ary ho amin'Andriamanitra, sy mba banana finoana. Noho izany dia niteny tamin-dRahalahy Neville aho mba hilaza fa hiresaka eo amin'ny lohahevitra iray hafa aho izao maraina izao, hanorina finoana ao amin'ny olona, ho amin'Andriamanitra. Ireo teny hafa, mananatra ny olona nohon'ny—nohon'ny tsy nitandremana an'ireo didin'Andriamanitra. Fa ity, ilay izy dia manorina ny olona, mba banana finoana an'Andriamanitra. Hitanareo?

¹⁶ Ary tao amin'ny efitra fivavahana tao ambadika tao izao maraina izao, na ny efitra fandraisam-peo tao ambadika tao, sakaizako antitra kely, Rahalahy Kidd, valopolo mahery, valopolo taona, mipetraka eto. Maro aminareo no mahatsiaro rehefa nandeha haingana nankany aminy aho indray maraina, izy dia—izy dia saiky... teo amin'ny herintaona lasa teo izany, manakaiky an'izany ankehitriny. Teo am-pahafatesana, tena narary mafy, ary nanome azy herinandro iray hahavelomana ireo dokotera. Na, tsy herinandro iray, izy ireo... Tsy afaka ho velona hatramin'ny maraina mba hitondra azy tetu, saiky nila maraina telo. Ary ahoana fa nidina hatrany amin'ny dimy amby zato izy ankehitriny, na zavatra tahaka an'izany. Nilaza izy, fotoana vitsy lasa izay, fa niverina hatrany amin'ny roa amby telopolo amby zato izy. Nilaza fa nahatsapa ho tahaka ny zazalahy iray izy.

¹⁷ Rahalahy Kidd, manontany aho raha afaka hitsangana fotsiny ianao, mba hahafantaran'ny olona hoe izy io mpitory teny antitra io. Io izy. Ndao isika hanao hoe, "Isaorana ny Tompo." [Hoy ny fiangonana hoe, "Isaorana ny Tompo!"—Mpand.] Lehilahy iray teo am-pahafatesana tamin'ny homamiadana, tao amin'izany—tao amin'izany toerana izany. Manana sakaiza kely iray maha-te-ho tia izy eo. Maniry aho mba hitsanganany, ihany koa. Izaho fotsiny...Ranabavy Kidd, ahoana raha hitsangana ianao eo? Ankehitriny, izy...Hitanareo ve hoe haingana toy ny ahoana no ahafahany mitsangana? Tsara kokoa noho ny ahafahako. Andriamanitra anie hitahy andRahalahy sy Ranabavy Kidd. Enga anie hitoetra eo aminareeo ireo fitahian'Andriamanitra manan-karena...Misaotra anao, ranabavy.

¹⁸ Mitolona manerana an'ireo tendrombohitr'i Kentucky izy ireo, ambony-sy-ambany eny amin'ireo lalan-kelin'ny sahan-tsaribao, norohaina, navoaka any ivelany, ary nesoina, nenjehina, niaina amin'izay rehetra vitan'izy ireo. Mitoto katsaka izay hitan'izy ireo teny amin'ny lalana, tany ho any, ary miaina ho an'ny Fanjakan'Andriamanitra. Ary valopolo taona, mbola mitory ny Filazantsara, foana. Ankehitriny, dia lasa antitra loatra izy ireo mba handeha hivoaka, noho izany dia mivavaka eo amin'ireo lamba fangataham-bavaka aho ka mandefa azy ireny mankany amin'izy ireo, ary izy ireo fotsiny—manohy mitondra azy ireny fotsiny mankany amin'ireo hopitaly sy ireo zavatra tahaka an'izany. Tonga ny olona ka maka azy ireny. Ankehitriny, izany marina tokoa ny hoe manao an'ilay izy amin'ny fo. Sa tsy izany? [Hoy ny fiangonana hoe, "Amena."—Mpand.] Raha tsy afaka mandeha mihaona amin'izy ireo ianareeo, dia afaka mandefa lamba fangataham-bavaka iray ho azy ireo, tahaka an'izany, ireo olona manana finoana. Tena mahafinaritra izany.

¹⁹ Rahalahy Rogers ato, ihany koa, ato any ho any androany, ny rafozan-dahin-dRahalahy Creech, tena sakaiza malalako. Mandeha any an-tranony aho tahaka ny andehanako mihitsy any amin-dry Charlie sy Nellie ary izy ireo any ankehitriny, ary any Kentucky. Ary—ary nandeha tany aho taloha ka nihaza, isan'andro, niaraka taminy. Ary teto, vao tsy ela akory izay, teo amin'ny telo ambin'ny folo volana lasa teo izay, nandidy azy ilay dokotera. "Tamin'ny homamiadana, ary," hoy izy, "vita ny aminy."

²⁰ Dia nieritreritra aho hoe, "Ny sakaizako antitra sarobidy!" Mpiady trrainainy, ilay Ady Lehibe Voalohany, lehilahy iray tena mahery fo, ny fianakaviany. Ary nataoko batisa tamin'ny Anaran'i Jesosy Kristy izy, taona maro lasa izay, ho an'ny famelana ny fahotany, nahafantatra tamin'izany fa tafapetraka tao amin'ny Vatan'i Kristy izy, ka vonona ny handeha hihona amin'Andriamanitra. Nieritreritra aho hoe, "Handeha

ny sakaizako sarobidy ankehitriny.” Taorian’io fahitana io mihitsy izany, na talohan’ny nahatongavan’io fahitana io tamiko, mikasika ny Lanitra. Ary noho izany dia nandeha njery azy aho, ary tonga tao amin’ilay efitra ny avana iray. Nanova an’ireo zavatra Andriamanitra. Telo ambin’ny folo volana lasa izany, ary mbola eto foana izy androany, mihinana.

²¹ Naka karazana iray izy, naka karazana pilina nisy solifara, nandoro azy teo amin’ny tendany *teto*. Ary ho ao amin’ny laharam-bavaka izy, neveriko, izao maraina izao, tonga. Ary fantattro fa nilaza aho fa rehefa avy nizara i Billy, na hizara, nahafantatra fa hizara karatra fangataham-bavaka izy ireo. Niteny tamin’ny vinantolahiny aho, ny sakaizako tsara, Rahalahy Creech, mba hitondra—hitondra azy. Ary nieritreritra aho, raha diso azy, amin’izay fotoana izay dia hahatratra azy aho ary hametraka azy ao amin’ny iray amin’ireo efitra fivavahana eto ireo. Fa nanana karatra fangataham-bavaka iray izy. Dia hoy aho hoe, “Busty, tiako ianao handeha any.” Ny anarany dia Everett. Izahay dia miantsso azy fotsiny hoe Busty, ho fanafohezana. Ary izy—izy... Niteny taminy aho hoe, “Mandehana ka midira ao amin’ny laharam-bavaka. Aleoko mivavaka ho anao raha mbola mitohy ilay hosotra, ho an’izany.” Noho izany dia tiako ny banana... Raha fantattro fa hivavahana aho, dia mila olona iray voahosotra aho rehefa mivavaka ho ahy izy ireo.

²² Ankehitriny dia ndao isika hamadika ao amin’ny Baibolintsika, izao maraina izao, hanokatra ao amin’ny Bokin’i Rota. Hamaky Soratra vitsivitsy avy amin’ity aho, avy ao amin’ny Bokin’i Rota. Ary alohan’ny hanatonantsika mihitsy an’ity lohahevitra ity ankehitriny... Raha hanatona aho, dia tiako ny milaza ny lahateniko ho an’izao maraina izao, dia antsoina hoe: *Ilay Havana Mahavotra*. Ary tiako ny hanatona an’izany avy amin’ny lafiny efatra samihafa, mikasika ny fanavotana.

²³ Mieritreritra, tamin’ny Alahady lasa, dia nitory aho teo amin’ny hoe ahoana fa tonga mba hanavotra antsika Kristy. Ary noho izany, androany, dia tiako ny hiresaka eo amin’ny: Inona ny Mpanavotra iray? Ahoana no mahalasa Azy ho Mpanavotra iray? Ary, tsarovy, mpanavotra anareo manontolo ny Mpanavotra iray, rehefa manavotra anareo Izy; avy amin’ny fahotanareo, avy amin’ny aretinareo, avy amin’ny zavatra rehetra izay diso. Mpanavotra iray Izy.

²⁴ Ankehitriny, alohan’ny anatonantsika an’izany, dia ndao isika hanondrika ny lohantsika ka hiresaka Aminy, amin’ny alalan’ny vavaka. Ary ankehitriny miaraka amin’ny lohantsika miondrika, dia manontany aho hoe firy izao maraina izao, ao amin’ny Fanatrehana, no te-ho tsarovana ao amin’ny vavaka, amin’ny alalan’ny fananganana ny tanganareo ka manao

hoe, “Andriamanitra, jereo...fantatrao ny fangatahako”? Andriamanitra hitahy anareo, tsirairay avy.

²⁵ Ry Rainay any An-danitra, tena faly aho, androany, fa misy Hery iray avy any amin’ny Avo, mahafantatra fa, Andriamanitra, izay azonay hatonina amin’ny alàlan’Ny Zanany, Kristy Jesosy, dia manana ny—ny valiny ho an’izay angatahanay. Tahaka ny tamin’ny favoriana lasa, niresaka izahay teo amin’ny hoe ahoana fa nirenireny tao anatin’ny hoditr’ondry sy hoditr’osy ny olona, ary efa lao, nitady Tanàna iray izay Andriamanitra no mpanorina sy mpanao. Nahafantatra fa raha afaka mba hanatona Azy indray mandeha izy ireo, raha afaka hahita an’izay nisy Azy izy ireo! Tahaka an’i Joba, fahiny, nanao hoe, “Raha afaka handeha aho, mandondòna eo amin’ny Varavarany,” amin’ny teny hafa. “Raha afaka mahita aho hoe aiza Izy—no Ipétrahany, dia handeha any an-Trano hiaraka Aminy aho, ary ho—hiresaka Aminy, hifanatrika.” Saingy tsy nisy fomba hanaovan’ny olona an’izany, satria nanota izy, ary nanasaraka ny tenany ka lasa vahiny iray tamin’Andriamanitra.

²⁶ Fa tamin’ny alàlan’io Anankiray sarobidy Izay tonga ka nanokatra ny lèlana io, ary namela ny fahotanay, ka mitondra anay eo anatrehan’Andriamanitra, tsy toy ny vahiny, fa toy ny zanaka manatona ny Rainy. Mahafantatra fa hanaiky ho anay ny fangatahana tsirairay izay angatahanay Izy. Lalàna anankiray ihany no napetraka, izany dia hoe, “Raha mety mino ianao.” Izany ilay fifanarahana. Satana dia mihambo fa tsy hino izahay, fa Andriamanitra milaza fa hino izahay. Mandeha ilay ady ankehitriny, ary anay ny mandray ny fanapahan-kevitra. Izay fomba anapahanay ny hevitra, dia ho tahaka an’izany ilay izy. Ary voasoratra tena mahafinaritra mihitsy hoe, “Ny zavatra rehetra dia azo atao ho an’ireo izay mino.”

²⁷ Ary mino izahay, androany, tonga, manatona Anao ho an’ny fankasitrahana Masina, mangataka mba Hijerenao an’ireo fangatahanay. Ary ny tènana tsirairay izay nitsangana, Ianao no mahafantatra ny ao ambanin’io tènana io, ao am-pon’izy ireo, izay dikany. Fa izao no voasoratra, hoe, “Ianao no mahafantatra ny fikasana sy ny eritrerity ny fisainana, ary afaka mamantatra ny fisainana.” Ary mivavaka izahay, Andriamanitra, mba Hamalianao araka ny Harenao sy ny Fahasoavanao, an’ny fangatahana tsirairay izay voatolotra.

²⁸ Hangataka koa izahay androany, Tompo, mba Hanampianao ahy, ilay anankiray izay manana ilaina indrindra, angamba, amin’ny mpanatrika; mahafantatra fa, mipetraka eto anatrehako eto, dia misy an’ilay novidian’ny Ràn’ny Tompo Jesosy. Izy ireo dia, angamba, mpanota mipetraka eto, izay tena voafatotry ny fahotana, ka ho sarotra ho azy ireo, tsy azo atao, saiky, ho azy ireo ny ho tonga eo amin’ny toerana iray hanekena an’i Kristy, raha mbola tena mamatotra azy ireo ao amin’ny

heriny foana i Satana. Saingy mahafantatra fa voasoratra hoe, “Handroaka devoly amin’Ny Anarako izy ireo.”

²⁹ Ary omeo hery izahay androany, Tompo, amin’ny alàlan’ny fitoriana ny Teny, mba handroaka ny devolin’ny fisalasalana rehetra sy ny finoanoam-poana ary ny tahotra, hiala amin’ny fo sy sain’ny olona. Ka ireo izay voafatotry ny fikorontanana sy fisalasalana anie ho entina eo an-tsandrini’ Kristy. Ary voasoratra koa, hoe, “Hametraka ny tànany eo amin’ny marary izy ireo ka ho sitrana ireny.” Misy eto ireo izay Kristiana, ary voafatotry ny demonin’ny aretina.

³⁰ Tompo, omeo hery aho androany, an’ny Fanahy Masina, hanafaka ny olona marary sy ory rehetra izay ato anatin’ny tranobe androany, ka enga anie ny Fanahy Masina lehibe banana an’ireo fahalehibeazana ao amin’ny fo tsirairay sy ny olona rehetra izay ao amin’ny Fanatrehana Masina.

Miresaha aminay amin’ny alàlan’Ny Teninao. Ny Teninao no Fahamarinana. Tsy mahafantatra mihitsy izay ho lazaina, fa miandry ny fitarihan’ny Fanahy Masina, mba Ahafahany hitardàlana anay sy hitarika anay ao amin’ny Fahamarinana rehetra. Ekeo izany, Tompo. Raiso ho an’ny Tenanao ny voninahitra. Ary hosory ny Mpanomponao. Ary efa voahosotra Ny Teninao. Hatolotray Anao ny dera, tahaka ny Itondranao an’izany ho an’ny fo tsirairay, araka ny ilainay. Amin’ny Anaran’i Jesosy Kristy, no angatahanay an’izany, ilay Zanak’Andriamanitra. Amena.

³¹ Alohan’ny hamakiana, dia mety hilaza an’ity teny filamatra kely ity aho izay tena tiako tokoa:

Raha manana renirano izay tsy hainao hiampitana ianao,
Ary raha manana tendrombohitra izay tsy hainao tetezina ianao,
Dia tsarovy fotsiny, Andriamanitra any Andanitra dia manam-pahaizana manokana amin’ireo zavatra izay tsy hain’ny hafa hatao.

³² Mamaky avy ao amin’ny Bokin’i Rota aho, ny toko faha-1.

Ankehitriny dia izao no niseho tamin’ny andro nanapahan’ireo mpitsara, nisy mosary teo amin’ny tany. Ary nisy lehilahy iray avy any Betlehema-joda nandeha nivahiny tany amin’ny tanin’i Moaba, izy, sy ny vadiny, ary ireo zananilahy anankiroa.

Ary ny anaran-dralehilahy dia Eliméléka, ary...ny vadiny dia Naomy,...ny anaran’ireo...zananilahy dia Malona sy Kiliona, Efratita avy any Betlehema-joda. Ary tonga tany amin’ny tanin’i Moaba izy ireo, ka nitoetra tany.

Ary Elimeleka, vadin'i Naomy dia maty; . . . ary izy no sisa tavela, ary ireo zananilahy anankiroa.

Ary naka ny vadiny avy tamin'ireo vehivavin'i Moaba izy ireo; ny anaran'ny . . . iray dia Orpa, . . . ny anaran'ilay hafa dia Rota: ary nitoetra tany tokony ho folo taona teo izy ireo.

. . . Malona sy Kiliona dia samy maty ihany koa; ary ireo vehivavy no sisa tavela . . . namoy ny zananilahy roa sy ny vadiny ilay vehivavy.

Dia niainga izy niaraka tamin'ireo vinantovaviny, mba hiverenany avy tany amin'ny tanin'i Moaba: satria izy . . . reny tany amin'ny . . . reny fa efa namangy ny olony ny TOMPO tamin'ny fanomezana mofo azy ireo.

Noho izany dia niala teo amin'ny toerana izay nisy azy izy, sy ireo vinantovaviny roa niaraka taminy; ka nandeha teny amin'ny lalana hiverina any amin'ny tanin'i Joda.

Ary hoy i Naomy tamin'ireo vinantovaviny roa hoe, Mandehana, miverena mankany amin'ny tranondreniny avy: ary hohasoavin'ny TOMPO anie ianareo, araka ny efa nataonareo tamin'ny maty, sy tamiko.

Ary ny TOMPO anie hanaiky ho anareo mba hahitanareo fitsaharana, ny tsirairay avy aminareo ao an-tranon'ny vadinareo. Avy eo dia nanoroka azy ireo izy; ary izy ireo nanandratra ny feony, ary nitomany.

Dia hoy izy ireo taminy hoe, Azo antoka tokoa fa hiverina hiaraka amina ho any amin'ny olonao izahay.

Ary hoy i Naomy hoe, Miverena indray, ry zanakovavy: nahoana ianareo no handeha hiaraka amiko? mbola misy zanakalahy ve ato an-kiboko, izay ianareo mety . . . izay . . . mety ho vadinareo?

Miverena indray, ry zanakovavy, zory ny lalanareo; satria antitra loatra aho ny hahazo vady iray. Raha hilaza aho hoe, manana fanantenana aho, raha hahazo vady iray ihany koa aho anio alina, ka hiteraka zanakalahy ihany koa;

Hahandry azy ireo ve ianareo mandra-pahatonga azy ireo ho lehibe? hijanova ve ianareo ho azy ireo . . . ho an'ireo . . . tsy hanam-bady? tsia, ry zanakovavy; fa mangidy lavitra ny nanjo ahy noho ny nanjo anareo fa ny tanan'ny TOMPO no efa nahinjiny hamely ahy.

Dia nanandratra ny feony izy ireo, ka nitomany indray: ary nanoroka ny rafozany i Orpa; fa i Rota nifikitra taminy.

Dia hoy izy hoe, Indro, ny rahavavinao niverina hankany amin'ny olony, sy ho amin'ny andriamaniny: miverena ianao hanaraka ny rahavavinao.

Dia hoy i Rota hoe, Aza manery ahy hiala aminao, na hiverina hiala amin'ny fanarahana anao: fa izay alehanao, no halehako; ary izay itoeranao, no hitoerako: ny olonao no ho oloko, . . . ny Andriamanitao no ho Andriamanitro:

Izay ahafatesanao, no hahafatesako, ary any no handevenana ahy: hataon'ny TOMPO amiko anie izany, ary mihoatra koa, raha tsy ny fahafatesana ihany no hampisaraka ahy sy . . . ahy sy ianao.

³³ Tiako ny hanisy titra an'ity firesahana kely ity izao maraina izao, satria mampianatra azy aho, miezaka hitondra finoana ho anareo, an'ny fanavotana, sy hoe inona izany, ary ahoana no handraisana azy. Tiako ny hanisy titra azy hoe: *Ilay Havana Mahavotra*.

³⁴ Ankehitriny, ny *manavotra* zavatra iray, dia ny “mamerina azy.” Zavatra izay efa very, tahaka ny mametraka ao amin’ny trano findramam-bola misy antoka iray. Ary mandeha any ianareo ka manavotra an’izany, navotana tamin’ny alàlan’ny vidiny iray izany. Avy eo dia fanananareo manokana izany, rehefa avy nanavotra azy ianareo. Fa ny lâlan’ny fanavotana, tany Isirael, dia tsy maintsy havana iray, mba hanavotra fananana iray na zavatra iray izay efa very.

³⁵ Ny tantarantsika dia manomboka tamin’ny andron’ireo mpanapaka an’i Isirael, dia ireo mpitsara, taorian’ny fahafatesan’i Josoa. Ary mba hahitana sary iray tena tsara tarehy an’ity, dia vakio ireo toko dimy na enina voalohany an’ny Samoela Voalohany, dia ianareo—dia ho azonareo ilay tena tantaran’izany.

³⁶ Fa hitsambikina lavitra isika ankehitriny mba ho tonga eo amin’ilay foto-kevitra lehibe an’ity. Satria, fotoana vitsy lasa izay, nanomboka teo amin’ity Bokin’i Rota ity aho, ary nandritry ny telo na efatra herinandro izany, nahavitana azy. Nanomboka teo amin’ny Bokin’ny Apokalypsy, indray mandeha, ary naka ny taona rehetra, saiky, mba hahavitana Azy. Ny Soratra kely tsirairay mihitsy dia mifatotra eo amin’ilay hafa, manontolo, manerana ny Baiboly. Tsara tarehy izany. Noho izany, fantatsika fa voatsindrimandry ny Baiboly. Satria, ara-matematika sy fanao rehetra, dia tsy misy literatiora hafa voasoratra ka tsy manohitra ny tenany any ho any.

³⁷ Ity Boky ity dia voasoratra saiky efatra arivo taona nifanelanelana, ireo Bokin’ny Baiboly. Ary izy ireo dia nosoratan’ny sasany . . . Adinoko hoe lehilahy firy no nanoratra azy. Tena tsaroako. Saingy, miala tsiny aho. Te-hilaza aho hoe enimpolo-mahery, saingy izaho—izaho dia—izaho dia . . . Mety

ho diso aho eo. [Hoy ny rahalahy iray hoe, “Efapolo.”—Mpand.] Efapolo. Lehilahy efapolo no nanoratra ny Baiboly, tao anatin’ny an’arivony taona nifanelanelana, tsy nifankahafantatra mihitsy, na nifankahita, na nifamaky, imbetsaka. Nefa tsy misy teny iray manohitra an’ilay hafa. Voatsindrimandry izany!

³⁸ Ankehitriny, olona maro no mijery an’ity Bokin’i Rota ity, araka ny ilazan’izy ireo hoe, “Tantaram-pitiavana iray an’ny Baiboly izany.” Ny Baiboly dia tantaram-pitiavana iray. Ny Baiboly manontolo dia tantaram-pitiavana iray.

³⁹ Tsy tantaram-pitiavana iray fotsiny ihany Izzy, fa mpaminany iray Izzy. Tsy mpaminany iray fotsiny ihany Izzy, fa tantara iray koa Izzy. Izzy fotsiny dia tsy ta—tantaram-pitiavana iray, tantara iray, mpaminany iray, Andriamanitra Izzy tenany Izzy. Satria, “Tamin’ny voalohany ny Teny, ary ny Teny tao amin’Andriamanitra, ary ny Teny dia Andriamanitra.” Noho izany, ny Teny dia Andriamanitra amin’ny endrika printy. Tokony hilamina hatreto izany, rahalahy; Andriamanitra amin’ny endrika printy. Jehovah, vita printy eo amin’ny Boky iray. Ary tsy misy iray amin’izany ho karazana tantara foronina iray fotsiny, fa izy rehetra dia ny Fahamarinana tanteraka tokoa. Ny dingana tsirairay an’Izany, no ihantonan’ny fanahinareo. Ao izany. Izany no Fahamarinana, ary hanohana Ny Teniny Andriamanitra.

⁴⁰ Ary ity tantara ity dia voasoratra, ary ireo soratra taloha rehetra. Rehefa nizarazara ny Baiboly izy ireo, ireo lehilahy masina, rehefa niezaka nametraka azy niaraka izy ireo tao amin’ny Testamenta Taloha, dia ity Bokin’i Rota ity no iray amin’ireo Boky miavaka izay neken’izy ireo. Nahoana? Raha tantaram-pitiavana iray fotsiny ilay izy, dia nahoana ireo mpanoratra sy olon-kendry taloha no nanaiky an’ity Boky ity ho voatsindrimandry? Satria, misy fanambarana mafina iray ao anatin’Izany. Ary ao amin’io fanambarana mafina io, no hahazoanareo ny tena dikany. Hitondra anareo ho tena akaikin’Andriamanitra izany.

⁴¹ Ary mivavaka aho, ny fanahiko manontolo, izao maraina izao, mba handraisan’Andriamanitra ny fo tsirairay, ho tena voafatotra, hany ka hanambara ny Tenany Izzy, izay maha-izy Azy mihitsy, ao amin’ity tantara ity; inona Izzy aminareo; ahoana no hanekena Azy. Ary vao mahita an’izany indray mandeha ianareo, tena tsotra ilay izy, manontany ianareo hoe ahoana no mba nandehananareo teo ambonin’ny tampon’izany. Fa amin’ny alàlan’ny Fanahy Masina irery ihany no ahafahany ho voambara.

⁴² Ankehitriny, maro, eo am-pamakiana ny Baiboly, no mamaky Azy, mitsangana fotsiny ka mamaky pejy iray, ary mamaky pejy iray. Tsy ho azonareo mihitsy Izzy. Satria, ao anaty ankamantatra Izzy. Ary nisaotra an’Andriamanitra Jesosy nohon’ny nanaovana Azy ho tahaka an’izany. Hoy Izzy,

“Nafeninao tamin’ny mason’ny hendry sy manan-tsaina Izany, fa nambaranao tamin’ny zaza izay hianatra Izany.”

⁴³ Araka ny nolazaiko mazàna. Rtoa. Branham mipetraka ery aoriana ery, izao maraina izao. Fa rehefa any ampitan-dranomasina aho, dia hanoratra taratasy iray ho ahy izy. Hilaza izy hoe, “Bill malala, mipetraka eto aho, izao hariva izao, miaraka amin’ireo ankizy. Mieritreritra anao aho.” Ary manohy izy ka manoratra an’izay hosoratany. Fa izaho—tiako izy, ary fantattro tsara mihitsy izy, afaka mamaky eny anelanelan’andalana aho. Fantattro marina tokoa izay lazainy, hitanareo, na manoratra an’izany eto izy na tsia. Hitanareo? Satria, fantattro izay lazainy. Nahoana izany? Fifandraisana akaiky iray izany. Iray izahay. Hitanareo? Ary fantany ny natiorko, fantattro ny azy. Izy tsy . . .

⁴⁴ Afaka mipetraka fotsiny izy ka mijery ahy. Afaka miteny aminareo an’izay ho lazainy aho, hitanareo, satria aho—fantattro tsara tahaka an’izany izy. Ary afaka manao an’ilay fanao iray ihany amiko izy. Ankehitriny, ny manao an’izany, dia fifampatokisana. Fitiavana!

⁴⁵ Omaly maraina, nandry teo am-pandriana tara kely izahay, ary tsy voatery nandeha tany an-tsekoly ireo ankizy, dia nanomboka niresaika mikasika zavatra samihafa izahay. Ary ahoana . . . “Inona ny fankahalana?”

⁴⁶ Hoy aho hoe, “Nanana fiandohana iray ny fankahalana, noho izany dia tsy maintsy manana fiafarana iray izy. Ny fitiavana tsy nanana fiandohana, noho izany dia tsy manana fiafarana izy. Maharitra ny fankahalana. Ny fitiavana dia Mandrakizay. Manomboka ny fankahalana ary hifarana ny fankahalana. Ny fitiavana tsy nanomboka mihitsy ary tsy hifarana mihitsy Izy.” Hitanareo? Mandrakizay Izy.

⁴⁷ Ary rehefa tia vehivavy iray ny lehilahy iray ka manambady azy satria tsara tarehy fotsiny izy, dia hisy fiafarana iray ho an’izany. Fa rehefa mahita vehivavy iray izay tiany ny lehilahy iray, tsy fantany hoe nahoana, fa tiany izy. Ary mahita lehilahy iray izay tiany izy, tsy mampaninona na toy ny ahoana izy. Tiany izy. Izy tia azy. Izany no sakaimba iray Mandrakizay any amin’ny Vominahitra. Izy ireo dia h- . . . Ny fahafatesana na inona na inona hafa dia tsy afaka hany hampisaraka azy ireo mihitsy, satria avy any amin’ny Mandrakizay izy ireo. Ary niditra izy ireo, tao amin’ny elanelam-potoana, ka hiverina indray hankany amin’ny Mandrakizay. Nilatsaka tao anatin’ny vatana iray ny Mandrakizay, nantsoina hoe fotoana, avy eo dia miverina avy hatrany mankao amin’ny Mandrakizay indray. Tsy mety levona izany.

⁴⁸ Ny vehivavy iray izay tsara tarehy, halazo io hatsaran-tarehy io, azo antoka mihitsy. Omeo taona vitsy izy. Angamba, androany, miolanolana eny an-dàlambe izy, vehivavy kely iray

mitafy tapaka, mandefa fanahy maro any amin'ny helo noho ireo trano fisotroan-toaka rehetra ao amin'ny firenena. Fa hanolanolana ny tenany eny an-dàlambe izy, mihevitra fa zavatra iray izy. Araka ny nolazain'ny Baiboly hoe, "Haninjittenda izy ireo, mitsingitsingina, *mijaikojaiko*," (izany dia midika hoe miolanolana) "raha mandeha izy ireo," amin'ny andro farany. Manatanteraka an'ireo Soratra, nefà tsy hahafantatra an'izany. Mitsangana eo an-tokotany izy ireo, manao fitafiana tsy maotina, mijery azy ireo lehilahy, nefà tsy mahafantatra. Mety ho tena madio izy, amin'ny vadiny na ny sakaimany, arak'izay maha-izy azy; fa, amin'ny Andron'ny Fitsarana, dia hamaly nohon'ny fijangajangana tamin'ny lehilahy an-jatony izy. Fanahy iray no eo amin'izy ireo, nefà tsy fantatr'izy ireo izany. Hoy ny Baiboly hoe, "Mitanjaka, jamba, nefà tsy mahafantatra an'izany." Ilay ampahany mampalahelo dia, "Tsy mahafantatra an'izany."

⁴⁹ Fa efa fantatrareo ve, io endrika kely tsara voatra io, izay nomen'Andriamanitra an'io zazavavy io, dia mety ho lò manomboka amin'ity fotoana ity hatramin'ny Alahady manaraka? Io lehilahy lava, mainty sy tsara tarehy io dia mety tsy hisy afa-tsý antontan-jaoridira iray fotsiny, hatramin'ny Alahady manaraka. Levona io rehetra io.

Fa ao amin'ilay anaty, Andriamanitra, fitiavana, dia velona Mandrakizay. Noho izany, tandremo ilay anaty. Hazony eo amin'ilay tanjona ny masonareo.

⁵⁰ Ankehitriny, manomboka amin'ny zavatra eo amin'izany karazana izany ity tantara ity, amin'ny maha-vehivavy iray maha-te-ho tia, mamy. Ny anarany dia Naomy. *Naomy* dia midika hoe "mahafinaritra." *Elimeleka* no vadiny, izay midika hoe "fanompoana." "Fanompoana mahafinaritra" ny fianakaviany. Nanana zanakalahy iray izy ireo, *Malona*, anankiray izay midika hoe "aretina." Ary *Kilionna*, ilay hafa, dia midika hoe "reraka, manjombona, alahelo." Teo ilay fianakaviana.

⁵¹ Ary nisy mosary tonga tao amin'ny tanin'i Isirael. Ary ny fahadisoana voalohany hany ataon'ny Jiosy iray, dia, ny miala amin'io tany io. Andriamanitra no nanome azy ireo an'io tany io. Rehefa nomena an'i Abrahama io tany io, dia niteny taminy Andriamanitra mba tsy hiala amin'io tany io. Ary nanao fahadisoana iray izy rehefa lasa nandeha nankany Gerara, tratry ny olana. Ny Jiosy iray dia tsy tokony hiala ao Palestina mihitsy. Io no toerana notsinjaraina ho azy.

⁵² Ary voaroaka izy ireo, nanerana an'izao tontolo rehetra izao. Ary ankehitriny dia eo am-piverenana indray izy ireo. Oh, tena tantara iray tsara tarehy no ananantsika eto, izao maraina izao. Eo am-piverenana izy ireo.

⁵³ Nivoaka i Naomy nohon'ny mosary, Naomy sy Elimeleka, ary nandeha nankany Moaba izy ireo.

⁵⁴ Ankehitriny mba hahazoana ny fototr'ilay tantara, noho izany, raha mihaiino ianareo, dia afaka hahazo ianareo hoe inona ilay izy.

Ankehitriny, ireo Moab-...ireo Moabit, niandoha avy tamin'ny zanaka tsy ara-dalàna iray, dia ireo zanakavavin'i Lota. Rehefa afa-niala tamin'ireo afon'i Sodoma izy ireo, nohon'ny fahasoaavan'Andriamanitra, avy eo dia nohamamoin'ireo zanakavavy ilay ray ka niaina niaraka taminy, tahaka ny vady iray. Niteraka zaza iray izy ireo. Ary ny iray tamin'izy ireo no niandohana, ary nanorina an'ilay—ilay firenen'i Moaba, natao ho Kristiana, saingy nifangaro tamin'ny fanompoan-tsampy. Ary, hitanareo, ny niala tamin'ilay tany nampanantenaina, tsy mampaninona na ratsy toy ny ahoana aza ilay izy, ny mivahiny any amin'ny tany hafa, no nitondra ny olana.

⁵⁵ Ary amin'ny fotoana rehetra izay ialan'ny mpino iray amin'ny taniny nomen'Andriamanitra! Matetika, ao amin'ny politika, io fifidianana ho avy io sy ny sisa, ny lehilahy tsara iray dia afaka ny ho lehilahy tsara iray, ary hivoaka avy amin'ireo tany ireo izy. Tahaka ny mpitoriteny izay fantatro, nilatsaka ho ben'ny tanàna. Ary rehefa nanao izy, niala tamin'ny tanin'ny asam-panompoany, dia tratran'i Satana izy.

⁵⁶ Raha miala amin'ireo tany ireo ny Kristiana iray. “Eny, handeha any fotsiny aho, rahariva, hipetraka miaraka amin'ireo zazalahy ao amin'ny efitra filalaovana billard, vetivety. Tsy hanao ratsy mihitsy aho. Handray fisotro kely anankiray fotsiny aho.” Any ivelan'ny taninareo ianareo. Miverena. Misintona olana fotsiny ianareo.

⁵⁷ “Oh, ny sisa rehetra amin'ireo tovovavy dia mifoka. Hanandrana anankiray aho.” Any ivelan'ny taninareo ianareo. Aza manao an'izany. Mijanòna ao amin'ireo tanindrazana. Aza manao hoe, “Eny, ny olona rehetra eto, izy ireo dia miantso ahy hoe, ‘Fanao antitra.’ Izy ireo dia miantso ahy hoe, ‘Lamaody antitra.’” Mijanòna eo, na ahoana na ahoana. Io no toeranareo. Mijanòna ao amin'i Kristy.

⁵⁸ Naomy, nohon'ny mosary, dia niala tao amin'ireo tany ka nandeha nankany Moaba, nitady mofo. Tsy tokony nanao an'izany izy, satria ny sisa tamin'izy ireo dia nijanona tao Jodia, Betlehema. Betlehema dia midika hoe, ny *Betela*, “tranon'Andriamanitra,” tranon'ny fiderana. Ary nijanona tany izy ireo.

⁵⁹ Ary lasa nandeha izy niaraka tamin'ny vadiny. Ary nanambady zazavavy Moabit, ireo zananilahy roa. Fa raha Andriamanitra noefa nanendry zavatra iray mba ho vita, dia hitranga izany na ahoana na ahoana. Izany no antony inoako

tokoa ny fifidianana mialoha, ny fahalalan'Andriamanitra mialoha an'ireo zavatra.

⁶⁰ Avy eo dia hitantsika, eo, fa namely an'ilay fianakaviana ny fahafatesana, ka nanomboka niverina izy ireo. Mamono... Maty ilay zazalahy, maty ireo zazalahy roa, ary maty ilay ray. Dia nanomboka niverina i Rota, Orpa, ary Naomy.

⁶¹ Ankehitriny, dia tiako ny hampitovy, izao maraina izao, an'i Naomy, ilay ramatoa zokiny, ho ilay fiangonana Ortodoksa, ilay fiangonana Jiosy Ortodoksa. Rota, ilay Moabita, Jentilisa iray, dia ilay Fiangonana Kristiana, ilay Fiangonana Vaovao.

⁶² Ary tiako ny hanatona an'izany, avy amin'ireo dingana efatra samihafa, Rota. Manana an'izany voasoratra aho eto. Rota, manapa-kevitra, mandray ny fanapahan-keviny; Rota, manompo; Rota, mitsahatra; Rota, novalian-tsoa. Raha miverina isika: Rota, mandray ny fanapahan-kevitra; Rota, rehefa avy nandray ny fanapahan-keviny izy, avy eo dia manompo i Rota; avy eo dia mitsahatra i Rota; avy eo dia novalian-tsoa i Rota.

⁶³ Ankehitriny, teny amin'ny lâlana niverina, dia tonga ny fotoana iray, satria izy no tandindona iray an'ilay Fiangonana, na ilay Kristiana. Satria, ny isam-batan'olona tsirairay dia misolo tena an'ilay firenena Kristiana manontolo. Efa fantatrareo ve izany? Ianareo, amin'ny fitondran-tenanareo, amin'ny fomba ihetsehanareo sy izay ataoareo, dia misolo tena an'ilay Vatan'i Kristy manontolo ianareo. Hoy ianareo hoe, "Fa mambra laïka iray fotsiny aho." Tsy mampaninona izany. Rehefa mandray an'io anarana hoe Kristiana io ianareo, dia misolo tena an'i Kristy sy Ny Fianganany. Tokony hiaina tahaka an'izany ianareo. Tokony hiaina tahaka ny lehilahy mihaja ianareo, tahaka an'ireo ramatoa. Aza manao an'ireo zavatr'izao tontolo izao mihitsy, satria ireo mason'ny Lanitra sy ny tany manontolo dia mitodika aminareo, mba haneho an'io zavatra anankiray io. Tsy mampaninona na malemy toy ny ahoana aza ianareo, na kely toy ny ahoana ianareo, tazony hahitsy ny lohanareo, satria Kristiana iray ianareo.

⁶⁴ Ankehitriny, mpanompo sampy iray i Rota, nanompo sampy, ary toy izany koa i Orpa. Ary teny amin'ny lâlany izy ireo, niverina niaraka tamin'ilay rafozam-bavy. Satria, nandre izy, fa, tany Betlehema-Jodia, hoe efa nesorin'Andriamanitra ny loza, ka nahazo mofo ny olona. Efa tany izy ireo nandritry ny teo amin'ny folo taona teo, araka ny lazain'i Edersheim hoe, "teo amin'ny folo taona teo," ilay mpahay tantara.

⁶⁵ Ary niverina, nalahelo (ary maty ny vadiny, maty ireo zanany), niaraka tamin'ireo vinantovaviny roa. Avy eo dia nitodika izy, tsy maintsy, ka njery azy ireo, ary nanao hoe, "Nahoana ianareo no handeha hiaraka amiko? Ankehitriny, tsy afaka hanao na inona na inona afa-tsyz hahazo olana ianareo."

Hoy izy, "Miala tsiny aho fa nihinjitra nanohitra ahy ny tānan'Andriamanitra."

⁶⁶ Impiry no efa nieritreretan'i Israely an'izany, tsy nahafantatra fa fandaharan'Andriamanitra izany rehetra izany! Ahoana fa any ivelan'i Jerosalema mihitsy ilay rindrin'ny fitomaniana, mbola any foana! Ireo vato tranain'ny tempoly, nalain'izy ireo ireny ka nanaovany rindrina iray. Ary voakosoka izy ireo, malama, nohon'ny ranomaso sy fitomaniana, avy tamin'ny tānan'ny Jiosy, mitomany sy miangavy an'i Jehovah hoe, "Jehovah!" Tsy fantatr'izy ireo fa antomotra ny oran'izy ireo ankehitriny. Ireo rindrin'ny fitomaniana, "Ireo vato ireo fahiny no nampiantrano an'ilay Fiaran'ny Fanekena. Nijery teo amin'ireo vato ireo i Davida Mpanjaka. O Jehovah, aiza Ianao?" Hitanareo? Tsy mahafantatra fa hiverina tsy ho ela ny Mpanjakany, ny Mpanavotra azy. Tsy maintsy noroahina izy ireo, mandritry ny vanim-potoana kely.

⁶⁷ Nanontany i Naomy hoe, "Nahoana no tena tsy nifaditrovana tamiko ny tānan'ny Tompo, ry vinantovaviko? Nandroaka ahy Andriamanitra. Voaroaka iray aho. Tsy fantatro izay hany nataoko, fa voaroaka iray aho." Hitanareo?

⁶⁸ Teo am-piasana ny Fandaharany Andriamanitra. Satria, "Ny zavatra rehetra dia miara-miisa hahasoa an'ireo izay tia an'Andriamanitra," tsy mampaninona na inona ilay izy.

⁶⁹ Hoy izy hoe, "Miverena any amin'ny reninareo, ka mahitā fitsaharana ao an-tranon'ny reninareo. Maty ireo vadinaréo. Ary vehivavy tanora, tsara tarehy ianareo. Miverena. Miverena any amin'izay nihavianareo. Mahitā fitsaharana any. Hamindra fo aminareo anie Andriamanitra, satria tsara fanahy teo amin'ny maty ianareo. Ary niaina madio ianareo hatramin'ny nahafatesan'ny vadinaréo. Ary efa tsara fanahy tamiko ianareo, vehivavy mpitondratena iray tsy manam-bady, nefà nifikitra tamiko ianareo. Miverena, ary Andriamanitra anie hanome fitsaharana ho anareo any an-tranonareo." Nitomany izy ireo.

⁷⁰ Hoy izy hoe, "Raha... Antitra aho. Tsy afaka hahazo zanaka intsony aho. Fa raha hahazo vady iray aho ka hahazo zanaka iray, dia inona no soa hataon'izany? Tsy hiandry an'io zazakely io mihitsy ianareo." Izany tokoa ny lalàna tamin'ireo andro ireo. Raha maty ny rahalahy iray, na...ka, ny, tokantena ilay rahalahy hafa, dia tsy maintsy maka ny vadiny izy mba hanangana anarana iray ho an'ilay rahalahy maty. "Fa, izy," hoy izy, "tsy hahandry azy ianareo, ireo zazakely ireo. Noho izany, miverena ka mahitā fitsaharana ho an'ny tenanareo any an-tranon'ny vadinaréo. Miverena any amin'ny reninareo."

⁷¹ Ary, Orpa, tandindon' ilay fiangonana matimaty izay nanomboka indray mandeha, tandindon'ilay fiangonana izay tsy handeha hatramin'ny farany. Hoy izy hoe, "Toa tena tsara izany." Noho izany, nanoroka ny rafozam-baviny izy ary niverina

indray. Tandindona iray an'ilay mpino matimaty izany, izay hino an'i Jesosy ho ilay Kristy, avy eo dia mitodika ka miverina ao amin'ilay zavatra izay nivoahany. Ho an'ilay lehilahy izay handeha amin'ilay lèlana miaraka amin'ireo vitsin'ny Tompo nohamavoina, nefo avy eo dia mitodika, miverina. "Tahaka ny alika mankany amin'ny lôany, sy kisoavavy mankany amin'ny fotany," araka ny nolazain'ny Baiboly.

⁷² Ankehitriny, niverina nankany amin'ireo andriamaniry izy. Matetika isika dia miverina mankany amin'ireo andriamaniry ny—an'ny fiandohantsika. Angamba nanana mason'ny fitsiriritana an'ilay zavatra ratsy isika. Hiverina isika mba hitsiriritra indray. Angamba nanana sampin'ny fisotroana isika, sampin'ny fifohana, sampin'ny lainga, sampin'ny fangalarana, ireo karazana sampy rehetra; ary avy eo dia niaiky ka natao batisa, nefo avy eo dia niverina indray. Zavatra iray mampalahelo toy ny inona! Tsarovy, tsy hiteny ny anarany intsony izany. Voaroaka nohon'ny fanapahan-keviny izy.

⁷³ Ilay fiangonana matimaty, ilay mpino matimaty, satria ny mpino tsirairay dia misolo tena ny fiangonana. Ny Amerikana tsirairay dia misolo tena an'i Amerika. Ny Alemandy tsirairay dia misolo tena an'i Alemania. Ny Kristiana tsirairay dia misolo tena an'i Kristy.

⁷⁴ Indro izy nanatodika ny lamosiny, mba hiverina amin'ilay zavatra izay nivoahany. Ahoana fa ireo lehilahy, na dia ireo mpitoky teny aza, indraindray, dia handray ny lâlan'ny Tompo, ary rehefa miresaka amin'izy ireo mikasika ny batisan'ny Fanahy Masina ianareo: "Fahadalana," mihodina miala amin'Izany. Orpa izany.

⁷⁵ Teneno amin'izy ireo ny mikasika ny Anaran'i Jesosy Kristy, hoe, "Tsy misy Anarana hafa eto ambanin'ny Lanitra nomena eo anivon'ny olona izay tsy maintsy hahavonjy anareo. Na inona na inona ataoareo amin'ny teny na asa, dia ataovy amin'ny Anaran'i Jesosy Kristy izany rehetra izany, raha tsy misy Anarana hafa eto ambanin'ny Lanitra izay tsy maintsy hahavonjy anareo." Avy eo dia nilaza i Petera, tamin'ilay andro, Andron'ny Pentekosta hoe, "Raha tianareo ny ho voavonjy, dia mibebaha ary aoka hatao batisa, amin'ny Anaran'i Jesosy Kristy, ho an'ny famelâna ny fahotanareo." Tahaka an'izany no amelâna azy ireo. Ary ny lehilahy iray, nohon'ny laza, dia tsy afaka mihazona ny Baiboly eo amin'izany izy. Fa nohon'ny laza, dia hanoroka an'ilay Fiangonana, hanoroka an'ilay Hafatra, hanoroka an'i Kristy hoe, "veloma," ka hiverina any amin'izay nivoahany. Orpa, matimaty, voaroaka.

⁷⁶ Fa, oh, toy ny ahoana no itiavako an'ity Rota kely ity! Tsy maintsy nandray fanapahan-kevitra izy. Tsy maintsy nandray fanapahan-kevitra aho. Tsy maintsy mandray fanapahan-kevitra ianareo. Tsy hivoaka amin'ireo varavarana ireo ianareo,

izao maraina izao, raha tsy miaraka amin'ny karazana fanapahan-kevitra iray. Tsy hiala amin'ity efitra ity ianareo, androany, na ho lehilahy na vehivavy tsaratsara kokoa, na ho lehilahy na vehivavy ratsy kokoa. Ny mandà an'Izany, dia ho ratsy kokoa ianareo. Ho sarotra kokoa ilay fotoana manaraka, hahatongavanareo eo amin'Izany. Na, hivoaka tsaratsara kokoa ianareo.

⁷⁷ Lasa fampisehoan-kery iray teo amin'ny fiainany izany. Lasa fampisehoan-kery iray eo amin'ny fiainan'ny olona rehetra izany. Ary tsy maintsy nandray fanapahan-kevitra iray i Rota. Noho izany, nilaza ny Baiboly fa niteny taminy ny rafozambaviny hoe, "Miverena any amin'ireo Andriamanitrapahaka ny nataon'ny rahavavinao. Miverena tahaka ny nataon'ilay matimaty. Nahoana ianao no tsy miverina."

⁷⁸ Ilay mpitory ny Filazantsara, "Raha te-handeha ianareo, dia mandehana." Ilay mpitory teny tena mahatoky izay hametraka an'izany eo anatrehan'ny kilasin'olona iray hoe, "Raiso ny fanapahan-kevitrareo. Mitsangàna." Ilay matimaty, wishy-washy, miditra-sy-mivoaka, tsy hilaza an'izany. Fa ny tena mpanompon'Andriamanitra iray dia hametraka an'izany eo amin'ny lohalikareo hoe, "Raiso ny fanapahan-kevitrareo."

⁷⁹ Hoy i Rota hoe, "Handeha any amin'izay alehanao aho. Ny olonao no ho oloko. Ny Andriamanitrapahaka ny nataon'ny rahavavinao, no hitoerako. Izay ahafatesanao, no hahafatesako. Ary izay ilevenanao, no hilevenako." Izany no tena fanapahan-kevitra.

⁸⁰ "Tompo, handray Anao ho Mpamontjiko aho. Raha hoy ny Baiboly hoe, 'Mibebaha ary aoka hatao batisa, amin'ny Anaran'i Jesosy Kristy,' dia hataoko izany. Raha nilaza ny Baiboly fa izaho 'dia tsy maintsy mandray ny Fanahy Masina,' dia hataoko izany. Raha miteny amiko ny Baiboly hoe, 'Jesosy Kristy no tsy mivoa omaly, anio, ary mandrakizay,' dia hino an'izany aho. Handray ny Baiboly sy Andriamanitra aho, ho an'izay Nosoratany sy izay maha-izy Azy, tsy mampaninona izay nolazain'olon-kafa." Izany no tena Rota.

⁸¹ Nandray ny fanapahan-keviny izy. Izy dia tsy maintsy na hiverina na handroso. Mitsangana eo amin'io tany iray io ihany isika, izao maraina izao, miverina sa mandroso. Aza miverina mihitsy. Ndao isika handroso.

⁸² Nandeha nanohy nankao amin'ilay tany nampanantenaina izy ireo, nankao amin'ilay tanin'ny vahoaka hafahafa. Rota, tandindon'ilay mpino ankehitriny. Inona? Inona ilay mpino? Rehefa mivoaka izy na izy, ilay olona avy amin'izao tontolo izao, dia miditra eo anivon'ireo mpino Kristiana izy. Ireo vehivavy izay nifoka taloha, nisotro, sy nilalao karatra tao amin'ireo fikambanana, sy ny sisa, ary nanana an'ireo karazanjavatra nahafinaritra rehetra, ary tahaka ny karazana "vorona

mahalana,” saingy niova izy ankehitriny. Nandray fanapahan-kevitra handeha hiaraka amin’Andriamanitra izy. Ankehitriny dia tonga ao amin’ny vahoaka iray izay tsy mino an’io karazan-javatra io izy. Vahiny iray izy. Tsy maintsy mandeha tahaka ny mpivahiny iray izy. Tsy mahafantatra ny fomban’izy ireo izy. Vahiny tanteraka izy ireo, ho azy. Tsy fantany izay hataao. Izany no tsy maintsy nataon’i Rota. Izany no tsy maintsy hataonareo. Izany no tsy maintsy hataoko.

⁸³ Rehefa nanaiky an’i Kristy aho, dia voaroaka avy tao an-tranoko manokana. Rehefa nanaiky an’i Kristy aho, ireo zazalahy sakaizako, ireo zazavavy sakaizako, ny olona rehetra, dia nandà ahy. Nandeha niaraka tamin’ny andian’olona antitra iray izay nanana ny Fanahy Masina sy nino an’Andriamanitra aho, nanompo Azy. Ireo zazavavy, izay tao amin’io fiangonana tany io, dia samihafa amin’ireo zazavavy izay niarahako. Toa hafa izy ireo. Nihetsika hafa izy ireo. Hafahafa izy ireo, ary natahotra azy ireo aho. Vahoaka hafa izy ireo.

⁸⁴ Izany no tsy maintsy nataon’i Rota. Tsy maintsy avy any amin’ny azy manokana izy, mankany amin’ny vahoaka hafa iray. Niova fo izy. Nandray fanapahan-kevitra iray izy.

Ary mandraisa fanapahan-kevitra iray. Tsy maintsy manao ny safidinareo ianareo. Tianareo ve ny hiverina hankany amin’ireo zavatr’izao tontolo izao, sa tianareo ny hanohy hiaraka amin’Andriamanitra?

⁸⁵ Tianareo ve ny hihetsika tahaka an’izao tontolo izao sy ny sisamihafa amin’izy ireo? Noho izany dia orohy Kristy hoe “veloma” dia miverena.

Fa raha tianareo ny handray ny lìalanareo miaraka amin’ireo vitsin’ny Tompo nohamavoina, dia mifikira amin’ny tènan’Andriamanitra tsy mivoa. Tsy mampaninona izay lazain’ny sisamihafa amin’izao tontolo izao, mihazònà tsara eo. “Andriamanitra no niteny an’izany. Marina Izany. Mino an’Izany aho, na dia tsy afaka manao an’izany hiseho amin’ny fiainako aza aho. Andriamanitra no niteny an’izany. Mino an’Izany aho. Mihazona tsara eto aho.”

⁸⁶ Tahaka an’izany no nataony tamin’i Naomy. “Tsy handao anao aho. Handeha any amin’izay alehanao aho. Ny olonao no ho ahy. Ny fomba ihetsehan’izy ireo, dia tahaka an’izany no hihetsehako. Ny fomba atao’izy ireo, dia izany no hataoko. Izay hanin’izy ireo, dia izany no hohaniko. Izay ahafatesanao, no hahafatesako. Izay ilevenanao, no hilevenako. Ary hanao amiko mihoatra noho izany anie ny Tompo raha diso aho na aiza na aiza.” Izany no tena fanapahan-kevitra mazava sy hentitra. Mila fanapahan-kevitra mazava sy hentitra avy amin’Ny Fiangonany Andriamanitra.

⁸⁷ “Eny, Tompo, raha hitahy ahy fotsiny Ianao ka hanao an’ity ho ahy, izaho dia hanao an’izao-sy-izao.” Tsy fanapahan-kevitra iray izany.

⁸⁸ “Andriamanitra, tsy ahoako izay ataonao amiko, handeha aho na ahoana na ahoana. Raha maty aho, mety tsara. Velona na maty, na inona na inona! Raha mihomehy ahy izy ireo, maneso ahy, tsy manao fahasamihafana izany, handeha aho na ahoana na ahoana.” Izany no fanapahan-kevitra mazava sy hentitra, tahaka ny noraisin’i Rebeka talohan’ny nahitany an’i Isaka mihitsy aza.

⁸⁹ Hoy ireo raiamandreniny hoe, “Aoka ilay zazavavy no hamaly. Ilay zazavavy, efa tonga taona izy, aoka izy no hamaly.”

⁹⁰ Hoy izy hoe, “Handeha aho.” Fanapahan-kevitra mazava sy hentitra, noraisina haingana. Nifikitra tamin’izany izy. Izany no nataon’i Rota. Orpa lasa niverina.

⁹¹ Nanohy nanao dia izy ireo. Rota, tao am-pony, tsy nahafantatra hoe handeha ho aiza izy, saingy tandindona iray an’ilay Fiangonana. Mivahiny isika, tahaka an’i Abraham. Mpivahiny ao amin’ny tany hafahafa iray, eo anivon’ny vahoaka hafahafa.

Ary nandeha nanohy izy, ka farany dia tonga tao amin’ilay efitra sy ilay toerana izay nitondran’i Naomy azy izy. Ary inona no hitany? Ny olona rehetra ve nikapokapoka azy tao amin’ny lamosina ka nanao hoe, “Rota, faly izahay manana anao eto”? Nahita fisarahanam-bazana izy. Nahita zavatra ratsy iray izy. Nahita olana izy.

⁹² Ary ireo mpitory teny izay hiteny aminareo hoe, “Ny—ny fiainana Kristiana dia fandriam-piadanana feno voninkazo,” na izy mamitaka anareo na izy tenany no tsy nanaiky mihitsy an’io fahatsapana io. Mankahala anareo izao tontolo izao. Ary hankahala anareo ny olona. Tsy maintsy mandray an’ilay lâlan’ny vitsin’ny Tompo nohamavoina ianareo, ary hihomehezana, ho esoina, na zavatra hafa. Tsy maintsy ho hafa ianareo. Nateraky ny Firenena iray hafa ianareo.

⁹³ Ny vadiko... Satria izaho dia—dia hanonona an’ilay izy indray; toa tena tsara ny hanaovana an’izany. Nanontany ahy hoe, “Nahoana ireo vehivavy Kristiana no tsy manao an’ireo akanjo tahaka ny anaovan’ireo vehivavy hafa?” Hoy aho hoe... Hoy izy, “Amerikana isika rehetra, sa tsy izany?”

⁹⁴ Hoy aho hoe, “Tsia, tompoko.”

⁹⁵ “Eny, inona isika?”

⁹⁶ Hoy aho hoe, “Isika dia sady tsy Alemandy, Frantsay, Belge, Soisa, Afrikana, na Amerikana, na ny iray amin’izy ireo.”

⁹⁷ “Fa inona isika?”

⁹⁸ Hoy aho hoe, "Kristiana isika." Ny Amerikana dia mihetsika tahaka ny Amerikana, ny Alemandy dia mihetsika tahaka ny Alemandy iray, satria izany no fanahim-pirenен'izy ireo. Fa isika dia manana Fanahim-pirenena iray. Izany dia ny Fanahy Masina avy amin'Andriamanitra, any An-danitra, ary mihetsika tahaka an'Izany ianareo. Manao anareo hitondra ny tenanareo tahaka ny ataon'izy ireo Any, satria avy amin'ny Tontolo iray hafa ianareo.

⁹⁹ Mipetraka eto Amerika isika, marina izany. Izany ilay amphahy vatana. Fa ilay fanahy izay mitarika antsika, ny toetraantsika, dia avy any Ambony. Miaina avy any Ambony isika satria teraka avy any Ambony. Ny Kristiana rehetra dia avy any Ambony. Hoy Jesosy hoe, "Tsy avy eto ambany Aho. Avy any Ambony Aho. Raha avy eto ambany Aho, dia hiady ho Ahy ireo Oloko. Fa Ny Fanjakako dia avy any Ambony." Toy izany koa ny olona rehetra izay nateraky ny Fanjakan'Andriamanitra, avy any Ambony izy.

¹⁰⁰ Ankehitriny, mandinika ankehitriny. Raha manohy isika, dia hitantsika izy ireo tonga ao amin'ny fahadisoam-panantenana. Eo ve no ahatongavanareo, rehefa mandray ny Fanahy Masina ianareo? Azo antoka izany. Teo aho. Fanesoana, sy ny zavatra rehetra.

¹⁰¹ Avy eo, mariho, sarotra ny fiainana ho azy. Ary sarotra izany aorian'ny ahalasananareo Kristiana iray. Satria tsy maintsy manamboatra ny tenanareo avy amin'ny fiainana anankiray ianareo, an'ny fifaliana sy fahafinaretan'izao tontolo izao, ho amin'ny fiainana iray hafa, an'ny fanokanan-tena ho an'Andriamanitra. Tsy maintsy manamboatra indray ny tenanareo ianareo, mankao amin'ity ilany ity.

¹⁰² Ary tsy maintsy nanamboatra ny tenany avy tamin'ny tany iray izay misy betsaka ho hanina i Rota, ary voahaja ny zavatra rehetra, ho amin'ny vahoaka iray izay nihomehy, naneso azy, tao amin'ny tany iray izay nitsimponany tao amin'ny saha ho an'izay hohaniny. Nametraka an'izany tao anatin'ny aron'akanjony ary nitondra azy nody. Ary nivey an'izany ka nanao mofo iray, ary nihinana an'izany izy sy ny rafozam-baviny.

¹⁰³ Rehefa teo izy, dia hitan'izy ireo, raha mbola nitsimpona izy, na nandeha nitsimpona... Ankehitriny, nandray ny fanapahan-keviny izy. Izany no fanapahan-keviny.

¹⁰⁴ Ankehitriny, ny zavatra manaraka tsy maintsy hataony dia manompo.

¹⁰⁵ Ary izany no tsy maintsy hataon'ilay Fiagonana. Ilay Fiagonana, rehefa avy mandray ny fanapahan-kevitrareo ianareo, dia tsy maintsy manompo. Manompo an'Andriamanitra araka ny Kisarisariny, araka ny Drafiny. Tsy maintsy manompo an'Andriamanitra ianareo.

¹⁰⁶ Rota, mandray fanapahan-kevitra. Ankehitriny, Rota, manompo eo ambanin'ny fanapahan-keviny. Diniho iray minitra fotsiny ankehitriny. Mandeha mankany an-tsaha izy ankehitriny, mba hitsimpona.

¹⁰⁷ Ankehitriny, niteny taminy ny reniny; izay, ny Testamenta Taloha miteny amin'ilay Vaovao, fantatrareo. Niteny taminy ny reniny, nanao hoe, "Manana havana iray isika, ary ny anarany dia Boaza. Lehilahy iray manan-karena izy. Ary havana akaiky izy. Mandehana mankany amin'ny sahany. Ary angamba... Aza mandeha mankany amin'ny saha hafa ianao; mandehana mankany amin'ny sahany."

¹⁰⁸ Toy ny ahoana no itenenan'ny Fanahy Masina amintsika mba tsy haka ao amin'ny karazana bo-bokim-piangonana iray, karazana katesizy iray, fa handeha hankany amin'ny Sahan'Andriamanitra, ny Testamenta Taloha, ny Baiboly. Aza manao hoe, "Eny, izahay hilaza an'ity. Ary izahay hilaza an'ity ho vavaka iray. Izahay hanana an'ity." Mijanònà tsara amin'ilay Saha. Midira avy hatrany ao anatin'Izany, satria Izy no Havana akaiky.

¹⁰⁹ Ny Tenin'Andriamanitra, ny Testamenta Taloha, no Havana akaiky ho an'ilay Vaovao. Ilay Fiangonana Taloha no reny iray ho an'ilay Fiangonana Vaovao, hitanareo, ilay Kristiana, mpino iray. "Aza mandeha mankany amin'ny saha hafa iray. Mijanònà tsara ao amin'ny sahany. Ary angamba, indray andro any, mety hahita fitia aminy ianao."

¹¹⁰ Ary indray andro, raha mbola tao amin'ny saha izy, ity lehilahy tanora manan-karena ity, amin'ny anarana hoe Boaza, mpanapaka iray, lehilahy manan-karena, dia nandalo, ka nahita azy. Oh, rehefa nahita azy izy, dia latsa-pitia taminy. Nihevitra izy fa vehivavy iray mahafinaritra izy. Tiani ny toetrary. Tsaroanareo, hoy izy hoe, "Fantatro, avy eo dia fantatry ny olona, fa vehivavy tsara iray ianao." Mandray ny fanapahan-keviny, madio sy mazava. Niverina avy hatrany, niaina marina tokoa an'izay nolazainy fa hataony.

¹¹¹ Amin'ny teny hafa, amin'izao andro izao, dia hoy izy ireo hoe, "Fantatray fa Kristiana iray ianao. Fantatray fa lehilahin'Andriamanitra iray ianao, satria tsy misy olona afaka manao an'ireo fahagagana ireo raha tsy Andriamanitra no momba azy."

¹¹² Izany no nolazain'i Nikodemosy tamin'i Jesosy, nanao hoe, "Raby, fantatray fa mpampianatra iray avy amin'Andriamanitra ianao. Tsy misy olona afaka manao an'ireo zavatra ataonao raha tsy Andriamanitra no momba azy." Rehefa, afaka nahita Azy nipetraka teo izy ary namantatra an'ireo tena eritrerity ny fon'izy ireo.

¹¹³ Nikasika ny Lambany ilay vehivavy. Nitodika, nanao hoe, "Iza no nikasika ahy?" Nandà an'izany izy rehetra ireo. Nijery

tany amin'ny mpanatrika ka nanao hoe, "Ianao, miaraka amin'ny fitsiha-drà eo, ny finoanao no nanao anao ho salama."

¹¹⁴ Hoy izy, "Tsy misy olona afaka manao an'izany raha tsy Andriamanitra no momba azy. Fantatray fa avy amin'Andriamanitra Ianao. Tsy afaka manaiky Anao izahay, satria ho voaroaka avy ao amin'ny fiangonana izahay." Hitinanareo?

Io voaloboka natao grefy io, Rahalahy West, araka ny noresahantsika omaly hariva, handroaka anareo izy ireo. "Fa, ao ambany ao amin'ny fonay, dia fantatray fa avy tamin'ilay Voaloboka tany am-boalohany ianao." Kristy no Voaloboka; isika no sampana. "Fantatray, satria hitanay fa ilay Aina iray ihany izay ao amin'Andriamanitra, dia ao Aminao."

¹¹⁵ Izany no hitan'i Boaza tao amin'i Rota, io fanapahan-kevitra madio tsara io, io vehivavy tsara nitsangana teo io. Ary latsapitia taminy izy.

¹¹⁶ Ankehitriny, dia tiako ianareo hanamarika. Naomy, ilay fiangonana taloha, dia nanomboka nanazava tamin'i Rota an'ireo lalàna rehetra mikasika ny fivavahany, toy ny hoe ny Testamenta Taloha dia aloka iray an'ilay Vaovao. Ankehitriny, tiako ianareo hahazo an'ity tantara eto ity mihitsy.

¹¹⁷ Ankehitriny, te-haneho an'ireo aloka aho. Ilay Testamenta Taloha dia manazava an'ilay Vaovao, raha hamaky Azy fotsiny ianareo, satria Izy dia aloka mialoha an'ilay Vaovao. Ankehitriny, raha nandeha nankeo amin'ity rindrina ity aho, ka tsy mbola nahita ny tenako mihitsy, ary mahita ny aloko aho, dia ho fantatro, banana hevitra iray aho ny amin'ny hoe hitovy amin'ny inona aho. Ary ianareo raha tsy (ianareo) mahafantatra hoe inona ny Testamenta Vaovao, dia vakio ilay Taloha fa hahita ny alok'izany ianareo. Hitinanareo? Ary avy eo rehefa tonga ny Testamenta Vaovao, dia hoy ianareo hoe, "Nahoana, azo antoka, ity Izany." Ny Bokin'ny Hebreo, miverina, Paoly no manazava azy.

¹¹⁸ Ankehitriny, mariho tsara ankehitriny. Rehefa nilaza i Rota, na... Nilaza tamin'i Rota i Naomy, nanao hoe, "Ankehitriny, havantsika izy. Ary raha afaka hahita fitia aminy ianao, dia hahita fitsaharana." Oh, oadray! "Raha afaka hahita fitia ianao, dia hahita fitsaharana." Boaza dia naneho an'i Kristy, ilay Lehilahy manan-karena, ilay mpandova ny zavatra rehetra, ny Tompon'ny fijinjana. Oh, oadray! Ahoana, rehefa tonga teo i Boaza, tao anatin'io voatiry io, njery nanodidina an'ireo saha, dia nibanjina an'i Rota ny masonry! Izy no tempo. Izy no tompon'ny fijinjana. Ary nahita fitia teo imasonry izy.

¹¹⁹ Izany no ataon'ilay Fiangonana, androany. Raha mandalo ny Tompon'ny fijinjana, dia tsy hijery tranobe goavana Izy, lakolosy goavana, antoko mpihira tsara hofana. Mitady isambatan'olona Izy, lehilahy sy vehivavy izay voatokana ary natao

madio tsara iray ho an'i Kristy, nanokana ny tenany ho an'ny Asany. "Andriamanitra, mino an'Izany aho, ny Teny tsirairay an'Izany. Rehefa milaza zavatra iray Ny Teninao, dia mijanona tsara amin'Izany aho. Izany No Teninao. Mino an'Izany aho, ny Teny tsirairay." Izany no Tadiaviny; ilay Tompon'ny fijinjana. Izany no Tiany homena, ny Fanahy Masina, ho an'ireo izay noana sy mangetaheta. "Sambatра ianareo izay noana sy mangetaheta, fa ianareo no hovokisana." Miezaka hahita an'io Fiangonana io Izzy, androany.

¹²⁰ Ankehitriny, avy eo, nangatahana hanao zavatra iray izay nahafa-baraka i Rota, fa nanaiky izy satria efa nandray ny fanapahan-keviny izy. Tandindona iray an'ny mpino toy ny inona! Tandindona iray tanteraka toy ny inona!

¹²¹ Naomy, ilay fiangonana taloha, dia nanao hoe, "Mandehana any, izao hariva izao. Vanim-potoan'ny vary hordea izao." Oh, eritreritra iray tsara tarehy toy ny inona no azontsika ahantona eo mihitsy!

¹²² Tonga tamin'ny vanim-potoan'ny vary hordea mihitsy i Rota sy Naomy. Ny vanim-potoan'ny vary hordea no vanim-potoan'ny mofo, ilay vanim-potoana izay nandrosoana ny mofo vaovao. Ary ilay Fiangonana, ao amin'ity andro farany ity, nandritry ny roa arivo taonan'ny fampianarana mpanompo sampy sy ny sisa, dia tonga amin'ny vanim-potoan'ny vary hordea, sy ny fanavaozan'ny Fiainana, Mofo vaovao, tantely avy any An-danitra. (Russell, miresaka mikasika ny mofo-tantely ianao!) Ity Izany, Mofo avy any An-danitra. "Izaho no Mofon'Aina. Ny rainareo nihinana mana, fa maty. Fa Izaho no Mofon'Aina izay tonga avy amin'Andriamanitra, any An-danitra. Raha misy olona mihinana an'ity Mofo ity dia tsy ho faty mihitsy izy." Ary ilay Fiangonana amin'ity andro farany eto ity, dia nentina, izao ankehitriny izao, amin'ny vanim-potoan'ny vary hordea.

¹²³ Rota, Jentilisa iray, voaroaka, nandositra, dia nentina, toy ny hoe ho ekena ho Ampakarina. Kristy dia tonga, amin'ny vanim-potoan'ny vary hordea mihitsy.

¹²⁴ Hoy izy hoe, "Ankehitriny anaovy ny akanjonao." (Tsy hoe, "Esory hiala aminao ny akanjonao.") Mifanohitra toy ny ahoana amin'ny an'izao andro izao! "Itafio ny akanjonao, rehefa mandeha mihaona aminy ianao. Hikororoka vary hordea izy, raha riva. Mandehana any ka anaovy ny akanjonao. Rakofy ny tenanao, mba hihaona aminy."

¹²⁵ Amin'izao andro izao, dia te-hanala rakotra ny tenany izy ireo. Rakofy ny tenanareo. "Mandehana any, satria mikororoka vary hordea izy. Ary avy eo dia mariho ny toerana izay andriany." Efa nanao an'izany ve ianareo? Teo Golgota. Taona maro lasa izay, no nanamarihako tao am-poko izay Nampandriany ny Ainy, mba Ahafahany mandray ahy. Mariho ny toerana izay andriany. Diniho hoe aiza Izzy no mandry. Izany no tokony

hataon'ny mpino rehetra. Mariho izay Nataony ho anareo. Ny Hafatry ny Alahady lasa, teo amin'ny *Ny Famangiana An'I Kalvary*, mariho izay Nataony ho anareo.

¹²⁶ Hoy izy hoe, “Mariho izay andriany. Avy eo rehefa mandry mba hatory izy, hiala sasatra, dia mandehana mandry eo an-tongony.” Tsy ny lohany; ny tongony, tsy mendrika. “Ary alaivo ny bodofootsy izay irakofany, ka sintony mankany aminao izany.” Oh! Hitanareo ve izany? Oh, oadray! Fantatro fa mety mihevitra ianareo hoe fanatika iray aho. Fa mety amiko tsara mihitsy izany, io Fanahin’Andriamanitra io. Mariho izay Andriany, Kalvary; izay Nandriany tao anatin’ny fasana; tao Getsemane. Mariho, ary mandadiza eo an-Tongony. Mandria eo ka aoka ho faty, amin’ny tenanareo, amin’ny... Eo ianareo izao. Rakofy ny tenanareo, eo, amin’ny Zipony. Hoy izy hoe, “Ny zipo,” izany no niantsoany azy.

¹²⁷ Dia hoy i Rota hoe, “Izay lazainao, dia hataoko.”

¹²⁸ Oh, fanapahan-kevitra madio tsara iray toy ny inona ho an’ny mpino iray! “Izay lazain’ny Baiboly, dia hataoko. Raha manao hoe, ‘Mibebaha ary aoka hatao batisa, Anaran’i Jesosy Kristy,’ dia hataoko izany. Raha hoy Izy hoe, ‘Mandehana ianareo any amin’izao tontolo rehetra izao ka mitoria ny Filazantsara,’ dia hataoko izany. Raha milaza Izy, na inona na inona Nolazainy, ‘Jesosy Kristy no tsy miova omaly, mandrakizay.’ Izay Lazainy hataoko, dia hataoko izany.” Hitanareo, ilay Fianganana nandray an’ireo Baikony avy amin’ny Teny. Nandry izy.

¹²⁹ Ankehitriny, tsarovy, fahafaham-baraka ho an’ity vehivavy mpitondratena tanora ity ny mandry teo akaikin’io lehilahy io, teo an-tongony. Fahafaham-baraka iray, amin’ilay izao tontolo izao ety ivelany.

¹³⁰ Oh, afaka mahatanty an’izany ve ianareo? Ity ilay izy. Jereo. Jereo. Ity ilay izy. Ilay Fianganana, ilay vehivavy tanora, ilay lehilahy tanora, ilay antitra na tanora, dia angatahina hampisaraka ny tenany amin’izao tontolo izao, ka ho tonga eo amin’ny toerana iray, Fanjakana iray an’ny Fanahy Masina, izay fahafaham-baraka ho an’izao tontolo izao. Ao am-pon’izy ireo manokana dia fantatr’izy ireo hoe inona daholo ny mikasika an’izany. Fa, ho an’izao tontolo izao, dia lasa fanatika izy ireo. Lasa holy-roller iray izy ireo na zavatra iray eo amin’izany hevitra izany, anarana mahafa-baraka iray. Fa nangatahana hanao an’izany ilay Fianganana. Manaiky ny hanamarika an’ilay toerana ve ianareo, ka handry, hamela an’izao tontolo izao hiantso anareo amin’ny zavatra rehetra izay tian’izy ireo iantsoana?

¹³¹ Ilay hira fahiny, nohiraina taloha:

Nanomboka nandeha irery niaraka tamin'i Jesosy
 aho, (Hitanareo?)
 Manana ho ondana iray, tahaka an'i Jakoba, vato
 iray;
 Ary haka ny lèlana miaraka amin'ny vitsin'ny
 Tompo nohamavoina aho,
 Nanomboka niaraka tamin'i Jesosy aho. Mandeha
 hatramin'ny farany aho.

¹³² Izay ilay izy. Tsy mampaninona, haloako ny vidiny na inona na inona ataon'ireo hafa. Raha fahafaham-baraka no dikan'izany, raha mahavery tokan-trano no dikan'izany, mahavery—mahavery fianakaviana, ny mpiara-miasa aminareo rehetra, sakaiza vavy, sakaiza lahy, na inona na inona dikan'izany, dia handeha irery aho. Haka an'ilay lèlana aho. Raha milaza ny mpiara-monina amiko fa izaho dia “holy-roller iray, pentekotista iray, na fanatika iray,” dia tsy ahoako izay lazain’izy ireo. Tsy manao fahasamihafana izany amiko na kely aza. Nanomboka aho. Nandray ny fanapahan-kevitro mazava aho, ary handeha hatramin'ny farany.

¹³³ Ankehitriny, izy no hany tokana afaka manome fitsaharana azy, avy tamin'ireo saham-pitsimponana mandreraka. Oh, tena mamy ilay izy rehefa, Boaza, rehefa nahita azy tao amin'ny saha izy. Tsy afaka ho diso an'ity aho. Nahita azy tao amin'ny saha i Boaza. Hoy izy hoe, “Jereo.” Hoy izy hoe, “Iza moa ianao?”

Hoy izy, “Rota no anarako.”

“Oh, ilay Moabita izay tonga hivahiny miaraka aminay.”

“Eny.”

¹³⁴ “Efa nandre ny aminao aho. Aza mandeha mankany amin'ny saha hafa ianao.” Ah! Tiako izany. “Aza manomboka miampitampita misiona. Mijanòna tsara ato amin'ny sahako eto mihitsy. Mijanòna amin'ny ahy.” Tiany izy. “Mijanòna eto. Mijanòna miaraka amiko. Aza mihazakazaka mitety toerana. Mijanòna eto.”

¹³⁵ Raha mino ny Hafatra ianareo, dia mifikira amin'Izany. Hitanareo? Tsy mampaninona izay vidiny, mijanòna tsara amin'Izany. Manohiza avy hatrany. “Raha midika izany hoe, atolory ity, itsy, na ny hafa. Ary tsy maintsy miala amin'ny fisotroako aho, tsy maintsy miala amin'ny fangalarako, laingako. Hijanona tsara amin'Izany aho.” Hitanareo?

¹³⁶ Ary izao indray no voalaza, hoy izy hoe, “Ankehitriny, tsy hanelingina anao izy ireo, satria efa nodidiako ireo lehilahy tanora tsy hanevateva anao.” Amena. Tiako izany, ny fiarovany. Iza no nilaza an’izany? Ilay tompon’ny fijinjana.

¹³⁷ Mitandrema tsara. “Aza mikasika ny Voahosotro. Aza manisy ratsy an'ireo Mpaminaniko.” Marina ve izany? “Fa marina tokoa, Lazaiako aminareo, tsara lavitra ho anareo

raha misy vato fikoseham-bary iray hahantona eo amin'ny tendanareo, ka milentika any anaty ranomasina, noho ny hanafintohina ny madinika indrindra amin'ireo, ireo Madiniko kely." Marina ve izany? "Aza mitondra fahatafintohinana ho azy ireo akory."

"Efa nandidy azy ireo aho tsy hikasika anao." Oh, diniho ity izao tontolo izao ity! Mpanenjika iray izy. Ho tonga ny oran'izy ireo.

¹³⁸ Avy eo dia nandeha nankeo amin'ireo lehilahy tanora izy, ireo hafa. Hoy izy hoe, "Ankehitriny, mitsimpona ho an'ny fiainana izy. Ankehitriny, tiako ianareo mpijinja...ianareoanjely," amin'ny teny hafa. Izany izy ireo. Hoy izy, "Tiako ianareoanjely, ianareo mpijinja, matetitetika, handatsaka eran'ny tñanana, fanahy iniana." Oh! "Aza mamela an'ilay izy rehetra ho tena mandreraka ho azy. Fa matetitetika, dia avelao izy handre Hafatra tsara iray. Avelao ny hery tsaran'ny Fanahy Masina hanarona Azy, matetitetika, mba hamela Azy hahafantatra fa mbola eo foana Aho. Manaova karazana fansisitranana eo Anivony. Manehoa karazana famantarana na fahagagana, mba Hahafantarany fa eo Afovoany Aho." Izay ilay izy.

¹³⁹ Tsy tianareo ve ny hahita an'ireo eran'ny tñanana ireo? Manantena aho fa mahita vitsivitsy isika izao maraina izao, sa tsy izany? Vary hordea vaovao eran'ny tñanana. Manao zavatra izay efa Nataony taloha ny Tompo. Zavatra izay fantatsika fa Ataony. Izy no Tompon'ny Fijinjana. Izy no hany Tokana afaka mandatsaka an'ilay eran'ny tñanana. "Mandidy an'ireo Anjely Aho handeha hidina hankao amin'io favoriana io izao maraina izao. Tiako izy ireo hanao zavatra anankiray, anankiray. Efa nandidy Azy ireo Aho, ka hataon'Izy ireo izany." Oh, oadray.

¹⁴⁰ Ankehitriny, eto, tsy maintsy maka an'ilay ampahany mahafa-baraka izy, handry, antsoina amin'ny zavatra rehetra izay tiany iantsoana. Afaka hantsoina hoe mpivarotena iray izy, fantatrareo. Afaka hantsoina hoe vehivavy ratsy laza iray izy, kanefa tsy izany izy. Ary nanaraka marina tokoa an'ireo fitsipika izay napetraka teo aminy izy. Noho izany dia midina izy ary mandrakotra ny tenany, miaraka amin'ilay firakotra izay nanaovany. Taiza no nandehanany? Nankany amin'ny fasana. Taiza no nandehanany? Tany amin'izay nitsaharany.

¹⁴¹ Teo no nahitako an'izany.

Teo amin'ilay hazo fijaliana izay nahafatesan'ny
Mpamomjiko,
Teo no niantsoantsoako ho fanadiovana ny
fahotana;
Teo no nampiharana an'ilay Rà tamin'ny foko.

Misy Loharano iray feno Rà,
 Nosintonina avy tamin'ny làlan-dràn'Imanoela,
 Rehefa mitsoboka ao ambanin'ilay riaka ny
 mpanota,
 Dia very ny pentimpentin'ny fahadisoany rehetra.

¹⁴² Mariho ilay toerana izay Nandriany, ary mandria eo miaraka Aminy. Vonona ny handeha hankany Kalvary ve ianareo, izao maraina izao, araka ny nolazaiko tamin'ny Alahady lasa? Efa nanamarika an'ilay toerana tao amin'ny fiainanareo ve ianareo? Efa nitondra ny tenanareo nankeo amin'ilay toerana izay nanohomboana an'i Jesosy ve ianareo?

¹⁴³ “Oh, mankasitraka an’izany izahay.” Saingy ahoana ny amin’ny fanohomboana anareo? Vonona ny handray ny làlana miaraka amin’ny anarana mahafa-baraka ve ianareo, amin’ny maha-holy-roller iray, mpivavaka fanatika iray, na inona na inona, na inona ny vidiny?

¹⁴⁴ Efa nanamarika an'ilay toerana ve ianareo, mba handehananareo eo ka handry miaraka Aminy, manao hoe, “Tompo, inty aho”? Avy eo dia inona? Sintony ilay firakotra iray ihany izay teo Aminy, mankeo aminareo.

¹⁴⁵ Nilaza tamin'ny Tompontsika ny vehivavy iray indray mandeha hoe, “Tompo, ekeo ho an’ireo zanakalahiko anankiroa, mba ny iray hipetraka eo ankavanana, ary eo amin’ny ankavia, ao amin’ny Fanjakana.”

¹⁴⁶ Hoy Izy hoe, “Afaka misotro ny kapoaka izay Sotroiko ve ianareo?” Ilay fanenjehana mangidy izany.

“Eny.”

¹⁴⁷ “Ary afaka hatao batisa amin'ilay batisa iray ihany izay anaovana batisa Ahy ve ianareo?” Mandry, misintonan an'ilay firakotra iray ihany nankeo aminy.

¹⁴⁸ Nakarina i Elia. Ary nanipy an'ilay firakotra iray ihany izay nananany i Elia, mba handrakotra an'i Elisa amin’ny ampahan-droa amin’ny Fanahiny. Ilay zavatra iray ihany, fa ampahan-droa fotsiny. Hery iray ihany; tsy mihoatra. Tsy mihoatra, tsy lehibe kokoa; ampahan-droa amin’Izany fotsiny.

¹⁴⁹ Tahaka an'i Mosesy, rehefa reraka izy, nilaza taminy ny rafozan-dahiny, nanao hoe, “Mandreraka ny tenanao ianao. Mivavaha mba handrais'an'Andriamanitra ny Fanahinao ka hametraka an'Izany eo amin’ireo hafa.” Dia nivavaka izy.

¹⁵⁰ Ary Nalainy ilay Fanahy ka napetrany teo amin’ireo fitopolo hafa Izany dia nanomboka naminany ireo fitopolo. Tsy nanana hery amboniny mihitsy izy ireo. Nanana milina amboniny izy ireo. Izay ihany. Ilay zavatra iray ihany, fa nanana milina amboniny fotsiny.

¹⁵¹ Tahaka an’izany ilay izy, amin’izao andro izao. Tsy afaka manao an’izany ny lehilahy anankiray. Manao ny Miliny hiasa

hatraiza hatraiza Andriamanitra, saingy ilay hery iray ihany izany; hery iray ihany, Fanahy Masina iray ihany, Jesosy iray ihany.

¹⁵² Ankehitriny, nalaindy ilay bodofootsy, ny Fanahy Masina, rehefa maty ny amin'ny tenany izy. Nanamarika an'ilay toerana izay nahafatesany, izay nandriany mba hitsahatra. Avy eo dia nandry izy, ary naka an'ilay bodofootsy izay teo aminy ka nisintona an'izany nankeo aminy. Dia nifoha ilay lehilahy, nanao hoe, "Iza izao?" Hoy izy... Hoy izy hoe, "Izaho no Rota, ilay Moabita, mpanompovavinao."

¹⁵³ Dia nitsangana izy. Hoy izy hoe, "Hitako sy fantatra fa vehivavy tsara ianao." Amena. Oh! Tsy mandefa mangorintsina kely manerana ny fanahinareo fotsiny ve izany? "Vehivavy tsara iray ianao."

¹⁵⁴ Ary inona no navaliny? "Fa havana akaiky iray ianao." Amena. "Havana akaiky iray ianao. Afaka manao ho ahy ianao. Afaka manao ahy hitsahatra ianao. Tonga teto aho ary nandry teto, tsy amin'ny maha-vehivavy ratsy fitondran-tena iray. Nandry teto aho, tsy ho fampisehoana iray; haneho amin'ny olona fa afaka miteny amin'ny fiteny tsy fantatra aho, haneho amin'ny olona fa afaka mandihy ao amin'ny Fanahy aho, ary haneho amin'ny olona fa afaka mihiakiaka aho. Fa tonga teto aho satria havana akaiky iray ianao. Tsy haneho fa afaka hanao zavatra goavana iray aho; fa havako ianao. Tonga aho satria havana akaiky ianao, ary ianao no anankiray tokana izay afaka manavotra ahy."

¹⁵⁵ Hitanareo ve ny toetran'ilay—ilay niova fo ho an'i Kristy, ho an'ilay Fiangonana? Hitanareo? Hitanareo? "Havako akaiky ianao."

¹⁵⁶ Dia hoy izy hoe, "Vehivavy tsara iray ianao. Ary havanao akaiky aho. Ankehitriny, rakofy ny tenanao. Mandria hatramin'ny maraina." Fioo! "Mirakofa fotsiny ao anatin'io bodofootsy io. Havanao aho. Mandria eo hatramin'ny maraina, mitsahatra." Amena. Amena. "Havanao akaiky aho. Mitsahara!" Amena.

¹⁵⁷ Rehefa tonga ny maraina, talohan'ny misandratr'andro, dia nanangona andiana vary hordea goavana be izy, in-enin'ny famarana, mino aho fa izay ilay izy, ary nametraka an'izany tao anatin'ny—ny aron'akanjo keliny ary lasa nody.

Dia—dia hoy i Naomy hoe, "Ry zanakovavy."

¹⁵⁸ Rehefa avy nitsangana avy teo amin'ny alitara ianareo, ary niverina. "Inona no hitranga ankehitriny, ry mama? Inona no hiseho ankehitriny?" Amena.

¹⁵⁹ "Mitsahara." Amena. "Mitsahara, ry Rota, satria tsy hanam-pitsaharana ilay lehilahy raha tsy efa vitany ny vidin'ny fanavotana feno." Amena. Amena. Eo mihitsy no itsanganako.

Amena. Tsy hitsahatra Izy raha tsy efa Vitany ny vidin'ny fanavotana feno, mba hanavotra anareo, ny zavatra rehetra izay verinareo, ny zavatra rehetra izay naha-izy anareo.

¹⁶⁰ Ankehitriny dia tsarovy ny lalàn'ny fanavotana, raha manatona ny famaranana isika, ny fiafaran'ny fotoana. Ny lalàn'ny fanavotana rehetra dia ity, hoe, alohan'ny ahafahan'ny lehilahy iray hanavotra fananana very iray, dia tsy maintsy ho havana akaiky indrindra izy. Ary ny zavatra manaraka, tsy maintsy lehilahy mahitsy izy, lehilahy marina iray, mba hanao an'izany. Ary avy eo dia tsy maintsy ho mpanam-bola be izy, hanao an'izany. Ary avy eo dia tsy maintsy manao fanambarana ampahibemaso iray izy hoe vitany ilay izy. Ary manomboka eo, dia fananany ilay izy.

¹⁶¹ Noho izany dia jereo ankehitriny. Boaza dia naneho an'i Kristy. Ankehitriny, Rota dia naneho an'ilay Fiagonana, ianareo, ilay mpino. Ary ankehitriny, Andriamanitra, ao amin'ny Testamenta Taloha, ny fomba tokana izay Nahafahany ho tonga sy hanavotra an'izay efa very, dia tsy maintsy lasa havana ho an'ny olona Andriamanitra. Ary ny fomba tokana izay ahafahan'Andriamanitra ho havana amin'ny olona, dia ny ho isan'izy ireo. Amen.

¹⁶² Tsy mifanaraka amin'i Billy Graham aho, eo amin'ny olona telo isam-batan'olona ao amin'ny Maha-Andriamanitra, na amin'ny mpampianatra triniterana hafa, eo amin'izany. Mino ny trinite aho, mazava ho azy, saingy tsy ao amin'izany fanao izany, hoe olona telo izy ireo. Iray izy ireo. Io tantara eo io, irery, raha tsy nanana afa-tsy izany aho, no hanaporofo an'izany.

¹⁶³ Lasa olona Andriamanitra. Tsy maintsy lasa havana Izzy. Ary tsy afaka ho Andriamanitra Izzy, ary isika mpanota, famorongan'ny Famoronany, vatananoforonina avy amin'ny Famoronany, satria tsy afaka ho havana isika eo. Noho izany, dia lasa olona Andriamanitra, mba ahafahan'ny olona ho lasa Andriamanitra, lasa Andriamanitra. Amen.

¹⁶⁴ Isika, satria olona, mpanota, dia lasa mpanota iray Andriamanitra, nitondra ny fahotantsika teo Aminy. Tsy nahalala fahotana, kanefa mpanota iray satria napetraka teo Aminy ny fahotantsika. Mba isika...Lasa izaho Izzy, mba hahatonga ahy ho lasa Izzy. Hitanareo? Lasa mpanota iray Izzy, mba hahatonga ahy ho lasa zanakalahin'Andriamanitra iray. Lasa mpanota iray Izzy, mba hahatonga anareo ho lasa zanakalahin'Andriamanitra iray. Ary ankehitriny isika dia zanakalahy sy zanakavavin'Andriamanitra, satria natao havana Andriamanitra rehefa nitafy ny endriky ny nofontsika Izzy, nateraky ny vehivavy iray. Andriamanitra! Tsy olona iray hafa; Andriamanitra, Izzy tenany.

¹⁶⁵ Timoty Voalohany 3:16 no nanao hoe:

...iaraha-manaiky fa lehibe ny zava-miafina ny amin'ny toe-panahy araka an'Andriamanitra: fa Andriamanitra dia voaseho tao amin'ny nofo, ... Andriamanitra!

Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra.

Ary ny Teny dia tonga nofo, ...

¹⁶⁶ Ny Teny, tonga olombelona, lasa havana iray. Lasa olona iray Izy. Oh! Las a fahafatesana Izy, mba amin'ny alàlan'ny Fahafatesany no ahafahako ho lasa Fiainana. Las a mpanota iray Izy, mba amin'ny alàlan'ny Fahamarinany no ahafahako ho lasa...banana Fiainana. Las a mahantre Izy, mba izaho, amin'ny alàlan'ny Fahantrany, no ahafahako ho tonga manankarena. Las a izay na ha-izy ahy Izy, mba ahafahako, amin'ny alàlan'ny Fahasoavany, ho lasa izay maha-izy Azy. Oh, oadray! Noho izany, miresaha mikasika an'ireo herin'Andriamanitra! Ankehitriny, izany marina tokoa no Soratra. Ary izany no lazain'ny Soratra.

¹⁶⁷ Mba ahafahantsika ho...Fitiovana toy ny inona, no nararaky ny Ray teo amintsika, nararaka teo amintsika, mba hahatonga antsika izay mpanota, vahiny, lavitra an'Andriamanitra, afaka ho voasintona hanakaiky an'Andriamanitra, hany ka lasa zanakalahy sy zanakavavin'Andriamanitra isika, fa tsy mpanompo. Tsy mpanompo iray mihitsy ilay Fiagonana Jentilisa. Tsia, tompoko. Zanakalahy sy zanakavavy ilay Fiagonana Jentilisa. Zanakalahy sy zanakavavin'Andriamanitra ianareo, izay nandray ny Fanahy Masina. Ankehitriny, raha andiana Orpa ianareo, ka nihodina? Fa raha nanohy hatrany amin'ny Fanahy Masina ianareo, dia lasa zanakalahy sy zanakavavy.

¹⁶⁸ Ankehitriny, zanakalahy sy zanakavavy, iza no manana ny fahefana be indrindra eo anatrehan'Andriamanitra? Inona ny Anjely iray? Ny Anjely iray dia mpanompo iray. Marina ve izany? Mpanompony izy ireo. Inona ianareo? Zananolahy sy zananivavy. Iza no manana ny fahefana be indrindra any An-danitra, arak'izany, mpanota iray izay voavonjy nohon'ny fahasoavana, sa Arikanjely iray izay mitsangana eo amin'ny Ilany ankavanana? Ilay mpanota, izay voavonjy nohon'ny fahasoavana, no manana fahefana be any An-danitra noho ilay Arikanjely izay nitsangana teo Anilany, tsy nanota, satria zanakalahiny izy. Ny zanakalahy no manana fahefana be noho ny mpanompo iray, mazava ho azy.

Oh, adinontsika izay maha-izy antsika. Adinontsika, matetika, ny nanaovana antsika amin'izay maha-izy antsika. Taorian'ny nahalasa antsika an'izay maha-izy antsika, tamin'izay fotoana izay dia adinontsika hoe ahoana no nahatongavantsika teto. "Rehefa Andriamanitra Izy tenany..."

Oh, fitiavana sarobidy toy ny inona no nomen'ny
 Ray
 Ho an'ilay taranaka lavo an'i Adama;
 Nomeny Ny Zanany lahitokana mba hijaly,
 Sy hanavotra antsika nohon'ny Fahasoavany.

Oh, ahoana no mba ahafantarantsika!

Eo afovoan'ny vatolampy nitresaka sy lanitra
 maizina,
 No manondrika ny Lohany ny Mpamonjiko ka
 maty;
 Ny fanokafana ny voaly no nanambara ny làlana
 Mankany amin'ny fifalian'ny Lanitra sy andro tsy
 manam-pahataperana.

Eo amin'i Kristy, ilay Vatolampy mafy, no ijoroako;
 Ny tany hafa rehetra dia fasika miletsy.

Rehefa mandinika an'ilay hazo fijaliana
 mahagaga aho
 Izay nahafatesan'ny Andrian'ny Voninahitra,
 Dia mihevitra ny fahotako rehetra ho voafafa aho.

¹⁶⁹ Marina izany. Hoy ny anankiray hoe:

Velona, nitia ahy Izy; maty, namonjy ahy Izy;
 Nalevina, nitondra ny otako lavitra Izy;
 Nitsangana, nanamarina ahy maimaimpoana
 mandrakizay Izy:
 Indray andro any dia ho avy Izy—oh, andro be
 voninahitra!

¹⁷⁰ Efa izany no foto-kevit'r'ilay Fianganana. Efa izany ny Fiandrasany. Efa izany ny Fony. Ity tany ity dia mandro amin'ny Ràn'io Havana Mahavotra io, mba hanavotra ny taranaka lavo an'i Adama.

¹⁷¹ Mariho, indro Izy, Havana Mahavotra iray. Ankehitriny, ny zavatra voalohany, dia tsy maintsy lehilahy mendrika iray Izy. Iza no anankiray mendrika kokoa noho Kristy, noho Jesosy? Avy eo, ny zavatra iray hafa, dia tsy maintsy manam-bola Izy. Tsy maintsy afaka manao an'izany Izy. Izy no tompon'ny Lanitra. Noporofoiny fa Izy no tompony. Afaka naka mofo dimy sy trondro roa Izy, ka namahana dimy arivo, nanangona potipotiny dimy sobika, avy eo. Afaka nipaompy rano avy tao amin'ny fantsakana iray Izy ka namadika an'izany ho divay. Afaka naka trondro iray avy tao amin'ny ranomasimbe Izy, ary naka vola madinika avy tao amin'ny vavany, volamena. Amena. Izy tsy ny...

¹⁷² Fa lasa mahatranterana Izy, tsy nanana toerana hametrahana ny Lohany. Lasa Havana iray Izy. Tsy Havana iray ho an'ilay manan-karena; Havana iray ho an'ny olona rehetra. Naka ny toeran'ny mpanavotra iray Izy.

¹⁷³ Avy eo dia inona no tsy maintsy nataony? Avy eo dia tsy maintsy nanao fanambarana ampahibemaso iray izy. Ny ampitso maraina, dia nilaza i Rota, na, nilaza i Naomy hoe, “Mitsahara, ry Rota, ho mety tsara ny zavatra rehetra ankehitriny, satria nahita fitia teo imasonry ianao.”

¹⁷⁴ Andriamanitra, avelao aho hanao an’izany. Avelao aho hahita fitia eo Imasonry. Amin’izay fotoana izay rehefa mipo saka ny maraina:

Rehefa hitsoka ny trompetran’ny Tompo, ka tsy
hisy andro intsony,
Ary mipo saka Mandrakizay ilay maraina,
mamiratra sy tsara;
Ary rehefa hiangona ery ampitan’ilay Morona ny
voavoanjy teto an-tany,
Rehefa antsoina any ambony any ilay horonana,
dia ho any aho.

¹⁷⁵ Mitsahatra ankehitriny, miandry an’ilay fanavotana feno. Mariho, manana an’Izany aho, ilay—ilay antoka an’Izany, ankehitriny. “Nitondra vary hordea eran’ny aron’akanjo manontolo nody aho. Nahazo aho teo.” Nomeny azy izany, namatra an’izany, in-enin’ny famarana. Enina, dia midika hoe, “ireo enina arivo taonan’ny fisian’izao tontolo izao.” Ny andron’ny olona dia enina. Noforonina tamin’ny andro fahenina ny olona. Ho enina arivo taona izao no namoronana an’izao tontolo izao, nitsahatra Andriamanitra tamin’ny arivo fahafito. Enina arivo taona no hiasan’ilay Fianganana mafy manohitra ny fahotana, miaraka amin’ny Herin’Andriamanitra amin’ireo mofo hordea ireo, ary avy eo dia hiditra ao amin’ny Fitsaharana Mandrakizay. Marina. Mitsahara, miandrasa. Vary hordea tsara in-enin’ny famarana no napetrany tao, mba hanohana azy hatramin’ny fotoan’ny fanavotana feno. Tena faly aho ny misitraka an’izany.

¹⁷⁶ Ankehitriny, haingana mihitsy, ndao isika handeha eo amin’ny fiafarano’izany. Ankehitriny isika dia mahita, ankehitriny, fa, ny ampitso maraina, rehefa nifoha izy, dia faly izy, niandry. Ary tonga ilay lehilahy. Nidina izy. Nanana havana iray hafa izy izay nanana safidy marina tokoa teo amin’ilay vehivavy, voalohany. Manana fotoana hahatongavana eo amin’izany ve aho? [Hoy ny fianganana hoe, “Amena.”—Mpand.] Eny, iray minitra fotsiny, dia hahazo ampahany amin’izany isika, na ahoana na ahoana.

¹⁷⁷ Io anankiray manaraka ao amin’ny fanoharana io, izay nanana safidy teo aminareo, dia ny devoly, satria nanota ianareo. Ary voalohany dia azy ianareo, satria, ianareo dia, fananany ianareo. “Fa teraka tamin’ny fahotana ianareo, notorotoronina tamin’ny heloka, tonga teto amin’izao tontolo izao niteny lainga.” Ary tsy afaka nanavotra an’izany izy. Hitanareo? Tsy

afaka nanavotra an'izany izy. Noho izany, tonga Kristy ary tonga olona, mba hanaisotra ny fahotantsika, mba hanavotra antsika. Hitanareo ve izany? Fa ilay lehilahy hafa tsy afaka nanao an'izany. Tsy afaka ho faty nohon'ny fahotana ny devoly, satria izy no tena mpamadika mihitsy izay nanao ny fahotana. Hitanareo? Tsy afaka izy. Hanimba ny lovany izy, ilay lehilahy hafa. Ary hanimba ny azy Satana, satria devoly iray izy. Tsy afaka ho lasa devoly iray hafa izy, mba hanaisotra ny devoly, ilay devoly voalohany. Tsy afaka ho lasa fahotana izy, satria efa fahotana izy. Fa, Kristy, satria tsy manam-pahotana, dia lasa mpanota iray. Afaka manavotra antsika Izzy. Haleloia! Navotana isika. Isika dia *navotana*, izay midika hoe, “naverina.” Navotana isika.

¹⁷⁸ Noho izany, ny ampitso maraina, dia tsy maintsy nanao fanambarana ampahibemaso iray izy arak'izany. Nandeha izy ka nihaona tamin'io lehilahy io teo am-bavahady, teo anatrehan'ireo loholona. Ary tsy maintsy teo amin'ny toerambahoaka izany. Dia njery azy nifanatrika izy. Hoy izy hoe, “Afaka hanavotra azy ve ianao?” Ankehitriny, raha tsy maintsy nanavotra an'i Naomy izy aloha, mba hahazoana an'i Rota; ary Kristy dia tsy maintsy nanavotra an'ilay fiangonana Jiosy, aloha, mba hahazoana an'ilay Ampakarina Jentilisa. Niditra niaraka tamin'i Naomy izy, toy ny vahiny iray avy tany amin'ny firenena hafa, Moabita iray, mpanompo sampy. Izany isika, ireo Jentilisa, mpanompo sampy iray. Ary tsarovy, izy dia—tsy maintsy nahazo an'i Naomy izy. Ary rehefa nahazo an'i Naomy izy, dia nahazo an'izay rehetra nananany.

¹⁷⁹ Tsarovy, rehefa tonga Kristy, dia tsy niresaka ny amin'ilay Fiangonana Jentilisa mihitsy Izzy. Ilay izy dia, nandeha nankany amin'ny Azy manokana, “Tonga tamin'ny Azy manokana Izzy. Ny Azy manokana tsy nandray Azy.” Tonga tamin'ny Azy manokana foana Izzy. “Aza mandeha any amin'ny lâlan'ny Jentilisa. Aza mandeha any Samaria, fa aleo mandeha any amin'ny ondry verin'i Isirael. Ary raha mandeha ianareo, dia mitoria ny Filazantsara, sitrano ny marary, atsangano ny maty, roahy ny devoly. Mahazo maimaim-poana ianareo, dia manomeza maimaim-poana.” Marina ve izany? Naniraka azy ireo, tsiroaroa. Mandehana aloha... Ary tsy maintsy nanavotra an'io fiangonana io Izzy. Ary rehefa nanavotra an'io fiangonana io Izzy, dia nahazo an'ilay Ampakarina Jentilisa Izzy. Amena. Izany ilay ady varotra tao anatin'izany. Hitanareo? Nahazo an'ilay Ampakarina Izzy rehefa nanavotra an'ilay fiangonana Izzy.

¹⁸⁰ Ankehitriny, Boaza, tsy maintsy nanao ampahibemaso izy... Hoy izy hoe, “Afaka hanavotra azy ve ianao?”

Hoy izy hoe, “Tsia.”

¹⁸¹ Avy eo dia tsy maintsy nanao fanambarana ampahibemaso izy. Nesoriny ny kirarony, ary natsipiny tany aminy izany. Hoy izy, “Eo ianareo izao. Aoka ho fantatry ny Isirael rehetra fa nanavotra an’i Naomy aho, ary maka an’i Rota ihany koa.” Amena. “Maka an’i Rota ho ampakariko aho.” Iza izany? Ilay tompon’ny fijinjana. Amena. Io izy. “Manavotra an’i Naomy aho, ary maka an’i Rota. Ary Rota no ho ampakariko.”

¹⁸² Inona no nolazain’izy ireo? “Enga anie izy hitovy—hitovy amin’i Lea sy Rahely ary izy ireo, hiteraka an’arivony,” ary manana izy, marina izany, “ho an’i Isirael. Enga anie ho tahaka an’izany izy.” Ary, jereo, nanao fitsapana iray izy, fanambarana ampahibemaso.

¹⁸³ Inona no nataon’i Jesosy, mba hanaovana an’izany? Nanao fanambarana ampahibemaso iray Izy. Rehefa, tsy afaka ho faty nohon’ny fahotana i Satana satria izy no ilay mpanota. Izy no rain’ny fahotana. Fa, Jesosy, ilay Anankiray tsy manan-tsiny, Andriamanitry ny Lanitra, Izay tsy voatery ho faty, dia nidina ka nanao fanambarana ampahibemaso iray teo am-pahafatesana, nasandratra teo anelanelan’ny lanitra sy ny tany. Fanambarana ampahibemaso iray; nendahina Taminy ireo Fitafiany, ary nahantona teo anelanelan’ny lanitra sy ny tany, tao anatin’ny henatra. Ary maty, mpanota iray, fahafatesana mahamenatra, mba hanavotra antsika. Fanambarana ampahibemaso iray! Amena.

¹⁸⁴ Inona no Nataony? Nitsipaka ny Fahamarinany manokana; nitsipaka ny Voninahiny manokana. Nitsipaka... “Manana fahefana Aho. Hiteny amin’Ny Raiko Aho, dia handefa legionan’Anjely roapoloh Ahy avy hatrany Izy.” Afaka manova ny fandehan-javatra Izy ireo. Anjely anankiray dia afaka nahavita an’izany. Afaka niantso legiona roapoloh Izy. Izany dia saiky Anjely efatra alina. Inona no azon’izy ireo natao? Hoy Izy hoe, “Afaka miteny amin’Ny Raiko Aho, avy hatrany, izany hoe izao ankehitriny izao, dia handefa legiona roapoloh Ahy Izy. Ho tonga eto ireo legionan’Anjely ka hifehy an’ity.” Inona no hataon’ny anankiray? Anankiray dia haharava ny tany, ao anatin’ny iray segondra. Jereo fotsiny, nanana an’arivony izay afaka ho tonga Izy. Hitanareo? Saingy Notsipahiny izany. Napetrany teny amin’ny ilany izany. Napetrany ny Lazany rehetra, ny zavatra rehetra, teny amin’ny ilany, ka lasa mpanota iray ary maty ho ahy sy ianareo.

¹⁸⁵ Ankehitriny, eo am-pamaranana, dia mety hilaza an’ity isika, eo am-pamaranana. Izy dia—nataony izany. Avy eo dia naka an’i Rota izy, ary nanambady azy. Ary niteraka zanakalahy iray izy nantsoina hoe Obeda. Obeda no rain’i Jese. Jese no rain’i Davida, izay rain’i Kristy, amena, rain’ny Tompo Jesosy.

¹⁸⁶ Tsy hitanareo ve? Tamin’ny alàlan’io fahamarinana io, tamin’ny alàlan’io fanapanahan-kevitra mazava tsara io, dia lasa

Havana Mahavotra antsika Izy. Lasa havantsika Andriamanitra, mba hidina ka natao hitovy amintsika, olombelona iray, niaritra hanoanana, niaritra hetaheta. "Mangetaheta Aho. Oimeo Aho hosotroina." Dia nasian'izy ireo vinaingitra tao anatin'ny Vavany, afero. Nangetaheta tahaka antsika Izy. Fantany hoe ahoana no hatao tsy misy an'izany.

¹⁸⁷ Narary tahaka antsika Izy. Hoy Izy hoe, "Tsy hilaza Amiko an'ilay fanoharana fahiny ve izy ireo hoe, 'Ry mpitsabo, sitrano ny tenanao'?" Fa tsy ho an'ny Tenany ireo Fahefany lehibe. Nanana fahefana hanao an'izany Izy, saingy tsy afaka nampiasa an'izany teo amin'ny Tenany Izy. Tsia.

¹⁸⁸ Nilaza tamiko ny olona iray, indray andro, nanao hoe, "Rahalahy Branham, alohan'ny hitrangan'ny zavatra iray, dia fantatralo daholo ny mikasika an'izay hitranga amina."

¹⁸⁹ Hoy aho hoe, "Tsy ho ahy ilay fanomezam-pahasooavana. Tsy afaka nampiasa an'izany ho an'ny tenako aho." Ho anareo izany. Ianareo no anankiray izay mahazo an'ilay tombontsoa, fa tsy izaho. Mpanompon'Andriamanitra iray fotsiny ho an'ny vahoaka aho, aminareo.

¹⁹⁰ Ny mpitory teny dia mpanompom-bahoaka iray. Mihazona ny tenany eo fotsiny izy. Tahaka ny lisin'ny saha iray, manidina ao ilay tantely, maka ny anjarany. Manidina ilay renintantely dia maka ny azy. Maka ny azy ilay mpandalo, sy ny zavatra rehetra. Miasa mafy izy, andro aman'alina, mba hitahiry ny famirapiratany. Ary ny mpitoritenin'ny Filazantsara dia manao an'ilay zavatra iray ihany; mandeha ao amin'ny fitsipik'Andriamanitra. Mitahiry ny fanambarany marina izy, mba ahafahan'izao tontolo izao mandray anjara aminy, hitanareo, Atoa. Pasitera Lisy. Anankiray tsara izy. Hoy Jesosy hoe, "Diniho izy. Tsy mitovy aminy i Solomona." Marina izany. Dr. Lisy, ataoko fa mahafantatra azy ianareo rehetra. Hitanareo?

¹⁹¹ "Diniho ny lisin'ny saha, ahoana no iasan'izy ireo mafy sy hamoliany, koa. Lazaiako, ary, kanefa, Solomona, ny voninahimy rehetra..." Ny lisy iray dia tsy maintsy mitolona, andro aman'alina, mba hahazo ny famirapiratany hitehirizana ny fitafiany, hitehirizana ny hanitra sy sisa handeha. Ary ireo hafa... Manokatra ny tenany fotsiny izy, ary mandalo izy ireo ka maka an'izany avy ao aminy. Ilay tantely sy ilay lalitra, sy ny zavatra rehetra, dia mandalo, tsara na ratsy, maka avy aminy fotsiny.

¹⁹² Tahaka an'izany ny mpanompo, an'i Kristy, ilay mpanompo Kristiana; manokatra ny tenany hoe, "Makà avy amiko fotsiny, ry izao tontolo izao." Tsy misy na inona na inona ho an'ny tenany. Ho an'ireo hafa izany. Lasa tahaka an'izany Kristy rehefa lasa havana ho antsika Izy. Lasa olona Izy, mba ahafahan'izao

tontolo izao mandray anjara amin'ny Fahamarinany, hitanareo, ary natao zanak'Andriamanitra.

¹⁹³ Ankehitriny, inona no nataon'izy ireo? Nivady izy ireo, ary tamin'ny alàlan'izany no tonga io zavatra lehibe io. Avy eo dia novalian-tsoa i Rota, tamin'ny alàlan'ny nahazoana an'i Kristy...na nahazoana an'i Boaza ho vadiny. Fa, valian-tsoa ilay Fiagononan, rehefa ho tonga ny Fihavian'ny Tompo, amin'io maraina mamiratra sy tsy misy rahona io. Mitsahatratra isika, miandry ankehitriny. Ho tonga izany. Ankehitriny, nahoana? Navotana izy.

¹⁹⁴ Ankehitriny, fanamarihana anankiray amboniny alohan'ny ialàko, hanomboka an'ilay laharam-bavaka. Fanamarihana anankiray amboniny. Nitady aho, izao maraina izao, ny teny hoe *manavotra*. Izaho fotsiny...Mamelà ahy, ry rahalahiko Arameniana, fa tsy maintsy mampiditra an'ity mihitsy aho; tsy handratra, fa hanao anareo hieritreritra fotsiny. Tadiavo hoe inona no dikan'ny *fanavotana*. Fanavotana, dia ampiharina tokoa, amin'ny teny Grika, mba hanesorana andevo iray avy eo amin'ny tsena. Tsy afaka manonona an'ilay teny Grika aho izao ankehitriny izao, fa izany dia midika hoe, "manaisotra andevo iray avy eo amin'ny tsena," ny *manavotra*.

¹⁹⁵ Nanao zavatra ratsy ny lehilahy iray, noho izany, izy, ny tompony dia nivarotra azy tao amin'ny fanandevozana iray, hatramin'ny fahafatesana tokoa. Ary ao anatin'ilay tsena izy, andevo iray izy. Fa tonga ny lehilahy iray, lehilahy mendrika iray izay afaka manao an'ilay izy, ary mahita an'io lehilahy io, ka mahita fitia eo imasonry, dia manavotra azy izy. Izany no manaisotra azy avy ao amin'ilay tsenana'ndevo, ka maka azy ho an'ny tenany. Mariho. Ary io andevo io, vao navotana indray mandeha, dia tsy azo hamidy intsony indray ao amin'ilay tsena. Amena. Tsy azo hamidy intsony indray. Voaisy marika izy. Ary raha noheverina betsaka izy, indray mandeha, mba havotana, dia tsy misy olona afaka, intsony, hivarotra azy indray ho andevo iray.

¹⁹⁶ Oh, ho an'Andriamanitra ny saotra, fa rehefa nanatona an'i Kristy indray mandeha ny olona iray ka navotan'ilay Rà sarobidy, dia tsy afaka hanao anareo ho andevo iray intsony indray ny devoly. Voaaro ao amin'ny Ràn'i Jesosy Kristy ianareo hatramin'ny andro fanavotana anareo. Ny andevo iray, tadiavo izany ao amin'ny Eksodosy, ka jereo raha tsy izany ireo lalàna Levita. Ny tiako lazaina, ao amin'ny Levitikosy, jereo raha tsy izany ireo lalàna. Ny andevo iray, navotana indray mandeha, dia tsy azo hamidy intsony indray ho andevo iray. Marina izany.

¹⁹⁷ Oh, tena faly aho! Tena faly aho ny mahafantatra fa ny Havana Mahavotra antsika, hoe ilay Andriamaniry ny Lanitra, Izay Fanahy, dia nidina teto an-tany ary tonga nofo; natao tahaka ahy, natao tahaka anareo; ary naka endriky ny nofo

mpanota, tsy nahalala fahotana, mba ahafahan'ny fahotantsika hitoetra teo Aminy; ary lasa havana ho antsika, nanao fanambarana ampahibemaso teo am-pahafatesana, nandoa an'ilay vidiny feno.

¹⁹⁸ Ary manambara indray ny Fanahin'Andriamanitra. Rovitra ilay tempoly, ilay voaly, avy teny amin'ny tampony nankany ambany. Tsy avy teny ambany nankany amin'ny tampony, fa avy teny amin'ny tampony nankany ambany; naneho fa Andriamanitra izany, Izy tenany, nandrovitra azy hisokatra, avy any Ambony. Nandrovitra an'izany avy teo amin'ny tampony nankany ambany, ary nanokatra an'ilay lâlana. Ary nianjera ireo vato fanaovana fanatitra, ary ny tselatra nisampantsampana nanerana an'ireo lanitra maizina, tezitra. Nilentika teo afovoan'ny andro ny masoandro. Nandà tsy hamiratra ireo kintana. Ary njoro vavolombelona ny zavatra rehetra hoe, "Navotana isika." Haleloia!

Ndao isika hivavaka. [Manome teny ara-paminaniana iray ny rahalahy iray—Mpand.]

¹⁹⁹ Miaraka amin'ny lohantsika miondrika ankehitriny, vetivety fotsiny. Teny ara-paminaniana izany, miantsy ny fiangonana, aorian'ny Hafatra.

²⁰⁰ Ankehitriny raha misy sasany eto izay tsy mahafantatra Azy, tsy tsara ny fiainanareo, dia asaina ianareo ankehitriny hitsangana eto ao amin'ny fanatrehan'ity mpanatrika ity, ny tavan'Andriamanitra, mba hanaiky Azy ho Mpamonjinareo. Ao anatin'ny dobo ny rano ho an'ny batisa. Raha misy olona miandry mba hanomboka ny fotoan'ny batisa, izao ankehitriny izao.

²⁰¹ Raha mbola manondrika ny lohantsika isika, dia hanararaotra an'ilay fotoana isika ankehitriny amin'ny fihirana *Handeha Hatramin'Ny Farany Aho*, miaraka amin'ny lohanareo miondrika ankehitriny.

Handeha hatramin'ny farany aho, eny, handeha
hatramin'ny farany aho,
Haloako ny vidiny na inona na inona ataon'ireo
hafa,
Handray ny lâlako miaraka amin'ireo vitsin'ny
Tompo nohamavoina aho,
Nanomboka niaraka tamin'i Jesosy aho, ary
handeha hatramin'ny farany aho.

Handeha hatramin'ny farany aho, eny, handeha
hatramin'ny farany aho,
Izaho dia...

Tena hentitra amin'izany ve ianareo ankehitriny? Raha hentitra ianareo, dia tongava eto ka mitsangana.

...na inona na inona ataoñ'ireo hafa,
Handray ny lalana aho...

Vonona ny hifikitra ve ianareo?

...ny an'ny Tompo...

Tahaka an'i Naomy fahiny ve?

Nanomboka niaraka tamin'i Jesosy aho, ary
handeha hatramin'ny farany aho.

Avy teo amin'ny fihananam-bilon'i Betlehema no
nivoaka ny Vahiny iray,
Eto an-tany dia maniry ny hitovy Aminy aho;
Mandrity ny diam-piañana rehetra avy eto an-
tany hatrany amin'ny Voninahitra
Dia mangataka fotsiny ny hitovy Aminy aho.

Hitovy amin'i Jesosy...

Te-hitovy amin'ny Mpanavotra anareo ve ianareo?

...hitovy amin'i Jesosy,
Eto an-tany dia maniry ny hitovy Aminy aho;
Mandrity ny diam-piañana rehetra avy eto an-
tany hatrany amin'ny Voninahitra
Dia mangataka fotsiny ny hitovy Aminy aho.
Mamirata eo amiko, Tompo, mamirata eo amiko,
Aoka ilay Hazavana avy ao amin'ilay Tranon-jiro
hamiratra eo amiko;
Mamirata eo amiko, Tompo, mamirata eo amiko,
Aoka ilay Hazavana avy ao amin'ilay Tranon-jiro
hamiratra eo amiko.

Hitovy...

Efa nisy olon-kafa tianareo hitoviana, Ankoatrany ve? Tsy
hisy olon-kafa iray ho avy ve ankehitriny ka handohalika eto
miaraka amin'ity vehivavy tanora ity, tahaka ny andohalehany?
Mandray, tahaka an'i Rota fahiny, mandray ny lalany izao
maraina izao.

...hitovy Aminy;
Mandrity ny ...tany hatrany amin'ny
Voninahitra,
Dia mangataka fotsiny ny hitovy Aminy aho.
Hitovy amin'i Jesosy fotsiny...

Aoka hisy olon-kafa ho avy ankehitriny. Mankanesa eto
ka mandoahaleha, tahaka ny ataoñ'ity ramatoa eto ity. Efa
nanomboka ve ianareo? Hametraka ny tanganareo ao amin'ny Azy
ve ianareo?

...maniry mafy aho ny hitovy Aminy;
Mandrity ny diam-piañana rehetra avy eto an-
tany hatrany amin'ny Voninahitra,
Dia mangataka fotsiny ny hitovy Aminy aho.

[Misamonomonona ny *Hitovy Aminy Rahalahy Branham—Mpand.*]

²⁰² Ry Rainay any An-danitra, raha mbola misamonomonona an'izany hira izany ny fiangonana hoe, "hitovy amin'i Jesosy," io vehivavy io, izao maraina izao, dia nivoaka, tahaka an'i Rota. Ina Bell, tonga tahaka an'i Rota fahiny. Tsy mampaninona izay vidiny, tonga handoa an'izany izy. Tsy mampaninona ny... ahoana fa tsy maintsy ihomehezana izy, na esoina, dia maka ny toerany izy ankehitriny, mitsangana eto, miaiky ny fahotany. Mandohalika, manamarika ny toerana izay nandrian'ilay Tompon'ny fijinjana lehibe teo amin'ny hazo fijaliana. Ary eo mba handray Ny Fanahiny, ny Fahasoavany izay niresaka taminy raha nivoaka ny Teny, tahaka an'i Naomy fahiny, mitarika. Ary namely anankiray tsara Izany, ilay toerana tsara. Ary ankehitriny dia tonga izy haka ny toeran'ny mpino iray, mandohalika eo amin'ny hazo fijaliana, eo amin'izay iaikeny ny fahotany, mametraka eny amin'ny ilany an'ireo zavatry ny fiainana fahiny rehetra, ka lasa olom-baovao ao amin'i Kristy Jesosy.

²⁰³ Mivavaka izahay, Ray, izao maraina izao, mba ny olona vahiny rehetra ato amin'ity tranobe ity, ny lehilahy rehetra, vehivavy, zazalahy, na zazavavy, izay tsy mahafantatra Anao, tsy hamela an'ireto Teny ireto handalo, Tompo. Tsy fantatray marina hoe ora inona no tsy maintsy ahatongavanay ao amin'ny Fitsarana. Mety mbola maro aminay androany no mety tokony ho avy. Angamba alohan'ny ahatongavanay any an-trano, dia hitranga ny lozam-pifamoivoizana iray. Mety... Mety hamely anay ny aretim-po iray. Tsy fantatray. O Andriamanitra, avelao izahay hiomana, amin'ity ora ity, raha mbola eto ny Fanahy, raha mbola manana vavolombelona izahay hoe eto Izy, raha mbola ilay Andriamaniry ny Lanitra, ao amin'ny Famindrampony rehetra tsy manam-petra, no eto hampiditra anay.

²⁰⁴ Omeo anay ny Fahasoavanao, Tompo. Mandefasa hafa, izao maraina izao, hanketo amin'ny altara, ka hanaiky an'i Kristy ho Mpamonjy, tahaka ny ataon'io vehivavy io ankehitriny. Ekeo izany, Tompo. Mamindrà fo aminy, mahafantatra fa ny havany... Mipetraka eto amin'ny lampihazo miaraka amiko eto ny anadahiny. Ny rahavaviny, Wood, mipetraka ery aoriana ery; neny sy dada mipetraka eto. Tompo Andriamanitra, mangataka famindrampo aho. Ekeo izany, Tompo. Fantatrazo izay tiako lazaina ato am-poko. Mangataka aho mba ny Fandrarahanao Ny Rànao, amin'ny famindrampo, no ho tonga ankehitriny amin'ity ora ity. Ekeo izany, Tompo. Ekeo, raha mbola miandry an'ireo hafa izahay, enga anie ireo hafa ho avy, ihany koa, Ray, ka hihavana amin'Andriamanitra amin'ny alàlan'i Kristy.

²⁰⁵ Ary ankehitriny, raha miandry izahay ankehitriny ka manontany, dia hihira indray izahay.

Mamirata eo amiko, O Tompo, mamirata eo amiko.
 Aoka io Hazavana avy ao amin'ilay Tranon-jiro io
 hamiratra eo amiko.

Eny àry. Hia.

Mamirata eo . . .

Hisy iray hafa ho avy ve?

. . . mamirata eo amiko,
 Aoka ilay Hazavana avy ao amin'ilay Tranon-jiro
 hamiratra eo amiko;
 Mamirata eo amiko, Tompo, mamirata eo amiko,
 Aoka Ny Hazavanao avy ao amin'ilay Tranon-jiro,
 hamiratra eo . . .

Inona no hanaovan'Izany ahy?

Hitovy amin'i Jesosy, hitovy amin'i Jesosy,
 Eto an-tany dia maniry ny hitovy Aminy aho;
 Mandritry ny diam-piainana rehetra avy eto an-
 tany hatrany amin'ny Vonnahitra
 Dia mangataka fotsiny ny hitovy Aminy aho.

²⁰⁶ Andriamanitra Ray, izany marina tokoa no fanambaranay. Tompo, te-hitovy Aminy izahay, malemy fanahy sy mora, manetry tena, mora fanahy, mamele foana an'ireo izay mitondra ratsy Azy sy manao ratsy. Izahay—te-ho tahaka an'izany izahay. Misaotra Anao izahay ny amin'io vehivavy izay tonga io izao maraina izao. Ahoana no ahafantarany hoe ho lasa inona ity fiaianana ity, afaka kelikely? Angamba amin'ny alàlan'ireo fahadisoany rehetra sy ny sisa tao amin'ny fiaianana, tahaka ny nataonay rehetra, mahita azy ireo mitsoboka ao ambanin'ilay riaka izao maraina izao. Mivavaka aho, Andriamanitra, mba hiainan'io vehivavy io fiaianana voatokana iray izay hitarika ny mpiara-miasa aminy rehetra ho amin'izao fahatsapana izao. Enga anie izy tsy hijanona eto, fa hanohy hatrany amin'ilay tany nampanantaina, manamarika an'ilay toerana ka handry, mandray ny Fanahy Masina eo. Ekeo izany, Tompo.

²⁰⁷ Raha misy amboniny ato, Ray, izay tokony ho avy, nefá tsy avy, dia enga anie Ny Fanahinao tsy hamela azy ireo. Enga anie izy ireo tsy hanam-pitsaharana, andro aman'alina, mandrapihavin'izy ireo, ihany koa, handray an'io fanapahan-kevitra iray ihany io. Tsy ny ho masiaka, Tompo, fa, O Andriamanitra, mahafantatra an'izay dison'izy ireo. Ny mahafantatra hoe inona no hisy amin'io Andro io, ny mandre Azy manao hoe, "Mialà Amiko, ianareo mpanao meloka. Tamin'io maraina io, tany amin'ny Eighth sy Penn Street, dia niantso anareo Aho, fa tsy avy ianareo." O Andriamanitra, ho ora iray hahatsiravina toy ny inona izany ho azy ireo, rehefa lanjaina eo amin'ny fandanjana izahay ka hita fa maivana. Ray, ekeo mba tsy ho tonga amin'ny anankiray mihitsy izany ao amin'ny Fanatrehana

Masina. Enga anie ho voavonjy izy rehetra. Mangataka amin'ny Anaran'i Jesosy izahay. Amena.

²⁰⁸ Te-hisaotra ny Tompo isika, izao maraina izao, nohon'ny Fahatsarany sy ny hatsaram-panahiny. Misaotra anareo rehetra aho nohon'ny faharetanareo, niandry niaraka tamiko ela be.

Ranabavy Ina Bell. Izaho... Ranabavy Wood, rahavavinao io, Rahalahy Charlie. Ho an'izay nivavahan'izy ireo, sy ho an'izay nivavahanay, nandrity ny ela. Ranabavy Ina Bell, hitsangana ve ianao, vetivety fotsiny? Io ny andRanabavy Wood... Ny mpitantan-draharahantsika eto amin'ny fiangonana, io ny zaobaviny, izay nanaiky an'i Jesosy ho Mpamontjiny manokana izao maraina izao. Ary firy ny vavaka izay efa... Andriamanitra hitahy anao, Ranabavy Ina Bell. Heveriko fa manonona tsara ny anaranao aho. Marina ve izany? Enga anie hitahy anao mandrakariva Andriamanitra, ranabavy malala. Ary raha mbola tsy natao batisa tamin'ny Anaran'i Jesosy Kristy mihitsy ianao, dia mandresy lahatra anao aho hanao an'izany, ka handray ny Fanahy Masina.

²⁰⁹ Homba anao mandrakariva anie Andriamanitra, hitahy ny vadinao sarobidy eo. Nihaona taminy aho, andro vitsy lasa izay. Raha tsy diso aho, ny anarany dia Stanley. Marina ve izany? Stanley. Andriamanitra hitahy anao, Stanley. Mamy ny tokan-trano, saingy mino aho fa ho mamy kokoa izany ankehitriny noho ny hatramin'izay. Homba anareo rehetra mandrakariva anie Andriamanitra, ary-ary hanome anareo ny Fahasoavany sy ny famindrampony, amin'ny androm-piainanareo rehetra. Ary manohiza manaraka ny Tompo. Aoka hitovy amin'i Rota ankehitriny, Ina Bell, mifikira tsara amin'Izany. Manohiza mandroso. Matetika dia lasa sarotra ilay izy, ary hanjavozavo ireo lèlana. Fa, tsarovy, mijere ambany mankany amin'ny tany, ary avy eo dia miandrindrà mankany amin'ny lanitra, dia hahita dian-tongotra mihoson-dRà ianareo izay manaraka an'ilay lèlana miakatra any. Izy no hitarika ny lèlana.

²¹⁰ Ankehitriny, oh, efa mitataovovonana sahady izao, amin'ny roa ambin'ny folo ora. Mbola sitrakareo ve ny hanana an'ilay laharam-bavaka? [Hoy ny fiangonana hoe, "Amena."—Mpand.]

²¹¹ Billy, aiza, karazana inona...? Nizara karatra fangataham-bavaka ve izy? Izaho—izaho mihitsy... Mino aho fa niteny tamiko izy fa nizara vavaka... Eny, inona ilay izy? Aoka hisy olona iray hiteny amiko hoe litera sy nomerao inona izany. [Hoy ny rahalahy iray hoe, "Io izy fa tonga."—Mpand.] Inona? [Hoy Rahalahy Billy Paul hoe, "B."] B. B, iray hatramin'ny zato? Dimampolo hatramin'ny zato. Eny àry. B, nomerao iray. Izy ireo dia manana...

²¹² Ankehitriny, dia manana vahoaka betsaka isika, noho izany isika dia tsy afaka... Asaintsika mitsangana izy rehetra, dia

hampandalo azy ireo fotsiny isika, raha mivavaka ho azy ireo aho.

²¹³ Ankehitriny, firy no tsy mbola nahita mihitsy ny iray amin'ireo laharam-bavaka? Aoka ho hitanay ny tanganareo, tsy mbola tao amin'ny iray amin'ireo favoriako mihitsy, tao amin'ny laharam-bavaka iray. Oh, oadray! Maro aminareo.

²¹⁴ Eny, ankehitriny, afaka mivavaka ho an'ny olona fotsiny izahay, na afaka banana famantaranana izahay, na tsy manana laharam-bavaka iray mihitsy; miantso azy ireo avy hatrany fotsiny, ao amin'ny mpanatrika. Tsy mampaninona izany. Eto ny Fanahy Masina. Eny, tompoko. Fa ndao isika hanangana an'ilay laharam-bavaka.

Nomerao iray, iza no manana ny nomerao iray, karatra fangataham-bavaka B? Nom-... Dimampolo. Miala tsiny aho. Tsy misy olona manana ny iray, mazava ho azy. Eny àry. Karatra fangataham-bavaka dimampolo, iza no manana azy? Tongava eto, tompoko. Karatra fangataham-bavaka roa...

Iraika amby dimampolo, roa amby dimampolo. Karatra fangataham-bavaka roa amby dimampolo. Eny àry. Telo amby dimampolo. Telo amby dimampolo. Eny àry. Efatra amby dimampolo.

Tongava eto amin'ity lèlana ity, *eto* mihitsy. Raha any aoriania ianao, dia tongava eto amin'ity lèlana ity, ho *eto*.

Iraika amby dimampolo, roa amby dimampolo, telo amby dimampolo, efatra amby dimampolo. Iza no manana ny dimy amby dimampolo, karatra fangataham-bavaka dimy amby dimampolo? Ilay ramatoa, *eto* mihitsy. Karatra fangataham-bavaka enina amby dimampolo.

Mitsangàna, eo amin'ny sisin'ny rindrina, ho *etsy*, raha sitrakao.

Fito amby dimampolo, valo amby dimampolo, sivy amby dimampolo, enimpolo. Iraika amby enimpolo, roa amby enimpolo, telo amby enimpolo, efatra amby enimpolo, dimy amby enimpolo.

Busty, mihodina avy hatrany amin'io lèlantsara eo io mihitsy, rahalahy, *eo* mihitsy. Eny àry. Mihodina *eo* mihitsy.

Firy no tsy manana karatra fangataham-bavaka, nefatianareo hanasitrana anareo ny Tompo? Atsangano ny tanganareo. Eny àry. Izao ihany no tokony ataonareo, mino an'izany fotsiny ankehitriny. Minoa fotsiny. Eny àry.

Enina amby dimampolo. Efa nananako ve izany? Fito amby dimampolo, valo amby dimampolo, sivy amby dimampolo, enimpolo. Aoka hitsangana izy ireo.

Iraika amby enimpolo, -roa, -telo, -efatra, -dimy. Aoka hitsangana izy ireo. Enina amby enimpolo, fito amby enimpolo,

valo amby enimpolo, sivy amby enimpolo, fitopolo. Aoka hitsangana izy ireo.

Tsy tiako hirohotra indray mandeha izy rehetra ireo, izany no antony iantsoako an'ilay nomerao, hatrany amin'ny fitopolo.

Fitopolo hatramin'ny valopolo, mitsangàna. Tongava eto, eo amin'ity ilany ity, fitopolo hatramin'ny valopolo. Eny àry. Iray, roa, telo, efatra, dimy, enina, fito, valo, sivy. Eny àry.

Valopolo hatramin'ny sivifolo, mitsangana *eto*. Doc, ampio izy ireo ery aoriane ery, raha sitrakao. Valopolo hatramin'ny sivifolo, mitsangàna eto amin'ity ilany ity.

Sivifolo hatramin'ny zato, mitsangàna eto amin'ity ilany ity, ho *eto*. Eny àry.

²¹⁵ Raha mbola milahatra izy ireo, dia tiako ny hanontany zavatra amin'ny fiangonana. Firy no vahiny eto, tsy tao amin'ny iray tamin'ireo fivoriako tany aloha mihitsy? Firy aminareo? Firy no mahafantatra fa tsy misy olona afaka manasitrana iray hafa, tsy dokotera iray akory aza? Tsia, tompoko. Tsy mpanasitrana iray ny dokotera. Manampy ny natiora fotsiny izy. Andriamanitra no mpanasitrana. Hitanareo? Afaka mametraka sandry iray ny dokotera, fa tsy afaka manasitrana sandry iray izy. Afaka manala kambon-tsinay ny dokotera, fa tsy manasitrana an'ilay toerana izay nodidiany izy. Afaka manala nify iray ny dokotera, fa tsy mampijanona ny fandehanandra, na manasitrana azy. Andriamanitra no tsy maintsy manao an'izany. Eny àry.

²¹⁶ Firy no mahafantatra fa, rehefa teto an-tany Jesosy, dia tsy nihambo ho mpanasitrana iray Izzy? Olona iray Izzy. Hoy Izzy hoe, "Tsy Izaho no manao an'ireo asa, fa Ny Raiko izay mitoetra ato Amiko, Izzy no manao an'ireo asa." Marina ve izany? Firy no mahafantatra, rehefa teto Izzy, inona, ahoana. . . Karazana asam-panompoana inona no Nataony rehefa teo Izzy? Nanao an'izay nasehon'ny Ray Taminy mba hatao Izzy. Marina ve izany? ["Amena."] Firy no mahafantatra, mahafantatra an'izany? Masindahy Jaona 5:19, hoy Izzy hoe, "Marina tokoa, marina tokoa, Lazaike aminareo, ny Zanaka tsy afaka manao na inona na inona amin'ny Tenany, fa izay Hitany ataon'ny Ray." Marina ve izany? ["Amena."] "Izany no ataon'ny Zanaka, mitovy."

²¹⁷ Ankehitriny, noho izany, dia Jesosy Kristy ve no tsy miova omaly, anio, ary mandrakizay? [Hoy ny fiangonana hoe, "Amena."—Mpand.] Mino an'izany ve ianareo, amin'ny fonareo rehetra? ["Amena."] Izzy no tsy miova omaly ary mandrakizay. Mino ve ianareo, fa, Jesosy Kristy izay tsy miova omaly ary mandrakizay, dia midika izany hoe tsy miova tokoa Izzy? ["Amena."] Eny àry.

²¹⁸ Ahoana no maha-tsye miova Azy? Tsy miova amin'ny fitsipika tsirairay. Marina ve izany? Izzy no ilay Andriamanitra tsy miova,

ilay Mpanasitrana tsy miova, ilay—ilay Mpamony tsy miova. Izy no tsy miova, toetra tsy miova. Izany rehetra izany tsy miova. Marina ve izany? Ilay tsy miova. Eny àry. Noho izany, raha Izy no tsy miova, ary tsy miova, dia hanao sy hihetsika tsy miova Izy. Marina ve izany? Ankehitriny, firy no mino an'izany ho ny Fahamarinana?

²¹⁹ Haka fotoana iray fotsiny aho eto. Miandry aho. Ilay izy toa tsy, ho ahy, toy ny hoe tsy dimampolo no olona mitsangana eo. (Iray, roa, telo, efatra, dimy, enina, fito, valo, sivy, folo, iraika ambin'ny folo, roa ambin'ny folo, telo ambin'ny folo, efatra ambin'ny folo.) Tsia. Lasa nody angamba ny sasany amin'izy ireo, aloha kely. Nahita olona sasantsasany lasa aho tery aoriana. Eny àry, ity kely ity fotsiny, laharana fohy. Firy no te-hanana an'ity? Firy no vahiny amiko, ao amin'io laharana io? Atsangano ny tånanareo, mahafantatra fa tsy mahafantatra na inona na inona mikasika anareo aho. Atsangano ny . . . ny tånanareo.

²²⁰ Firy eo, ireo vahiny, no mahafantatra fa tsy mahafantatra na inona na inona mikasika anareo aho? Atsangano ny tånanareo, hoe marary ianareo. Eny àry. Firy no te-hahita an'ilay laharan'ny famantarana, mba ahafahantsika handeha haingana ary hamarana? [Hoy ny fiangonana hoe, "Amena."—Mpand.] Ho tianareo ve . . .? Ankehitriny, tsy mampaninona izany. Afaka mivavaka ho azy ireo fotsiny aho, mitondra azy ireo ao amin'ilay laharana. Na, afaka mipetraka izy ireo, mandeha fotsiny dia mipetraka. Tsy mampaninona. Afaka mamantatra an'izany ny Fanahy Masina, na izany aza. Mino an'izany ve ianareo?

²²¹ Ankehitriny, noho izany, raha izany no izy, amin'izay fotoana izay dia mipetraha tsara fotsiny, vetivety fotsiny. Efa tara kely, noho izany dia mipetraha tsara fotsiny, vetivety fotsiny. Tehanontany zavatra aminareo aho ankehitriny.

²²² Mety eo amin'ilay fanamafisam-peo tsy izy aho eto. Mety tsara ve izy roa? Mandeha izy roa, eny àry, *ity* koa ve? [Hoy ny Rahalahy iray hoe, "Eny."—Mpand.] Eny àry.

²²³ Ankehitriny, mipetraha tsara fotsiny, vetivety. Hijery eo amin'ity laharana ity aho, hahita raha mahafantatra olona iray.

²²⁴ Fantatro itsy lehilahy mitsangana *etsy* itsy mihitsy. Ankehitriny, fantattro i Earl. Earl, fantattro ianao, Earl Colvin. [Hoy Rahalahy Earl Colvin hoe, "Tsy ao anatin'ilay laharam-bavaka aho, na izany aza, Rahalahy Bill. Nitondra ny sakalantsika avy any Jeffersontown aho."—Mpand.] Oh, eny, hia, ilay lehilahy eto. Io ve ilay lehilahy nihaza niaraka tamintsika, tany Colorado tany? ["Tsy hahafantatra anay angamba ianao, nahavery lanja tena betsaka izahay."] Oh, oadray! Tsy mahafantatra tokoa aho. Mino aho fa i Earl no niteny tamiko fa tena narary ianao, ary tonga ianao. Ankehitriny, raha tsy afaka mitsangana ela ianao, dia aoka hisy olona haka sez azy eo. Na, ny sasany amin'izy ireo—

mitsangàna ny sasany amin'izy ireo ka omeo sezà iray izy eo akaiky eo, hahafinaritra izany, satria ilay lehilahy dia tena, tena marary. Oadray! Nahavery teo amin'ny zato livatra teo izy na mihoatra, ny lanja. Ary—ary izy—izy dia tena, tena marary. Ankehitriny dia avelao fotsiny izy hipetraka eo. Manomboha misaotra Azy, eo, rahalahy.

²²⁵ Ankehitriny dia mamele ahy hijery. Ankehitriny, nitsangana niaraka taminy fotsiny i Earl. Ankehitriny, *ity* lehilahy ity, mitsangana etsy aoriana etsy, mijery ahy, avy any amin'ny manodidina an'i La-LaGrange, Kentucky. Tsy fantattro ny anarany, fa izaho—izaho—fantattro ianao. Ary itsy Rahalahy sy Ranabavy Kidd etsy. Fantattro izy ireo. Ary ity ramatoa ity, mihitsy...Ranabavy Rook ve io? Sa...[Hoy Rahalahy Neville hoe, “Ranabavy Hardy.” Hoy ny anabavy iray hoe, “Izaho no Ranabavy Taylor...?...miaraka amin'i Hattie.”—Mpand.] Miaraka amin'ity ramatoa eto ity, avy any Sellersburg, mino aho, izay jamba. Marina ve izany? Eny àry.

²²⁶ Heveriko fa saiky izay ny rehetra, ao amin'ilay laharana, izay fantattro tokoa. Oh, eny, ity ny sakaza tsarako, Busty Rogers, eto, avy any Milltown any. Ary manerana an'ilay laharana, dia ataoko fa vahiny amiko ny sisa amin'izy ireo. Ankehitriny, eo anatrehan'Andriamanitra izany, araka ny fantattro, dia vahiny amiko izy ireo.

²²⁷ Ankehitriny dia mamele ahy hijery ao amin'ny mpanatrika. Ankehitriny, ianareo—ianareo izay vahiny amiko, izay marary, dia atsangano ny tanganareo, ary, fantattrareo, fa manana fangatahana iray ianareo ao am-ponareo. Atsangano ny tanganareo, na aiza na aiza ianareo. Izay mahafantatra fa izaho...Eny àry. Eka. Ny ankamaroany fotsiny ilay izy, manerana, saiky hatraiza hatraiza.

²²⁸ Ankehitriny, ankehitriny, tsy handratra anareo aho, mba hiandry fotoana iray fotsiny na roa amboniny. Te-hametraka fanontaniana mihaja iray aminareo aho. Tsaratsara kokoa ho ahy ny manketo aoriana eto, mba ahafahanareo mandre ahy. Te-hanontany zavatra aminareo fotsiny aho. Ankehitriny, ireto Hafatra izay toriako ireto, mino azy ireo ho ny Fahamarinana ve ianareo? [Hoy ny fiangonana hoe, “Amena.”—Mpand.] Ianareo, azo antoka, tsy ho tonga teto ianareo raha tsy izany ilay izy.

²²⁹ Ankehitriny, ho nanao zavatra tahaka an'izany ve Andriamanitra nefà tsy hanome ahy fiheverana iray ny amin'izay nataoko? Tsy hanao tokoa Izy. Izany tokoa, tsy hanao Izy. Ankehitriny, raha nanao an'izany Izy... .

²³⁰ Ankehitriny, manambara aho fa tsy niova Jesosy Kristy. Tsy nanova Azy ny Fahafatesany; nanome voninahitra Azy izany. Ary nitsangana Izy, tamin'ny andro fahatelo, ka niakatra any amin'ny Avo. Ary nandefa ny Fanahy Masina Izy, izay Andriamanitra, no Fanahy Masina izay teo Aminy. Mino

an'izany ve ianareo rehetra? Ary Jesosy, rehefa teto an-tany Izy, dia hoy Izy hoe, "Ireo asa izay Ataoko, no hataonareo koa. Vetivety foana, dia tsy hahita Ahy intsony *izao tontolo izao*." Izany dia ny lamin'*izao tontolo izao*, fantatrareo, ilay fiangonana tsy mino sy ny rehetra fotsiny. "Tsy hahita Ahy intsony izy ireo. Kanefa, ianareo no hahita Ahy." "Ianareo," izany dia ilay Fiangonana, ilay mpino. "Satria Aho..." *Aho* dia mpisolo anarana. "Homba anareo Aho, ho ao anatinareo mihitsy aza, hatramin'ny fahataperan'*izao tontolo izao*." Ary ny teny Grika eo dia *fahafonganana*, izay midika hoe, "ny fahataperan'*izao tontolo izao*." "Homba anareo hatramin'ny fahataperan'*izao tontolo izao*. Ary ireo asa izay Ataoko no hataonareo koa." Izany ve no Fahamarinana?

²³¹ Ankehitriny, dia manana Batista isika, Metodista, Protestanta, sy Katolika, ary—ary Jiosy mihitsy aza, mipetraka ato *izao maraina izao*. Ary manana ny Fianganan'Andriamanitra isika, Nazareana, Vahinin'ny Fahamasinana, Vavolombelon'i Jehovah, voasolotena ireo anaram-piagonana samihafa rehetra ireo. Mijery manodidina aho, mijery azy ireo. Metodista, Loterana, Pentekotista, ireo karazany samihafa rehetra, raha mijery manodidina aho, mahita an'ireo olona izay fantatro. Ary mpitsidika avy any ivelan'ny tanàna izy rehetra ireo. Zavatra kely bitika iray ny Branham Tabernacle, eto amin'ny—amin'ny tanàna, saingy avy amin'*izao tontolo izao* izy.

²³² Ankehitriny, ndao alaintsika fotsiny ity, ka tena hieritreritra tsara, mieritrereta, mianara, aoka hanaja, ary apetraho ity fanontaniana ity. Noho izany, raha tsy maty Izy, amin'*izay fotoana izay ny Toetrany manoloana anareo sy manoloana ny marary dia ho ilay iray ihany fotsiny androany tahaka azy omaly*. Noho izany dia ahoana no Nanaovany ny Toetrany omaly? Ity, "Mety Aho, raha mino ianao." Marina ve izany? "Raha mino ianao."

²³³ Hoy ilay lehilahy hoe, "Tompo, mamindrà fo aminay." Hoy izy, "Ampahorian'ny devoly matetika ny zanakolahy. Nitondra azy nankeo amin'ny mpianatrao aho, ary niantsoantso sy nihorakoraka izy ireo, sy ny zavatra rehetra."

²³⁴ Hoy Izy hoe, "Mety Aho, raha mino ianao. Raha mino ianao, dia mety Aho."

²³⁵ Mariho ankehitriny. Ahoana no nataon'i Jesosy? Inona Izy, omaly? Ahoana no Nanompoany? Ankehitriny, ity dia ho an'ny vahiny ankehitriny, izay iresahako. Ndao jerentsika hoe inona Izy, omaly. Mila eo amin'ny telo minitra eo fotsiny ho ahy, hanonona isika, toerana kely vitsivitsy.

²³⁶ Rehefa nanomboka voalohany ny Asam-panompoany, dia nisy lehilahy iray amin'ny anarana hoe Andrea, mpanjono iray, niova fo, nino Azy, ka nandeha ary naka ny rahalahiny, nantsoina hoe Simona. Tsaroanareo ve izany? Nentiny teo amin'i

Jesosy izy. Mpanjono iray tsy mahay mamaky teny izy, tsy afaka nanasonia ny anarany manokana akory aza. Ary tonga teo anoloan'i Jesosy izy. Dia njery azy Jesosy, ka nanao hoe, "Ny anaranao dia Simona. Ianao dia zanak'i Jonasy."

²³⁷ Firy no mahafantatra fa izany no Soratra? Fantatr'izy ireo fa izany no Mesia, satria Izy no... Andriamanitra no nampanantena. Nampanantena i Mosesy, hoe, rehefa tonga ny Mesia, dia ho Mpaminany iray Izy. Marina ve izany? Ilay Mpaminany-Mesia. Dia njery Izy, ka hoy Izy hoe, "Ny anaranao dia Simona." Ary nanao hoe, "Ny rainao dia antsoina hoe Jonasy." Ary fantany fa izany no Mesia.

²³⁸ Ilay vehivavy teo amin'ny fantsakana, firenen'olona hafa iray izany. Ankehitriny, ireo Jiosy sy Samaritana irery ihany no nandray Azy. Ireo Jentilisa, tsy mbola niditra isika, ilay vondron'i Rota. Ankehitriny, ilay vehivavy teo amin'ny fantsakana, izay Samaritana iray, tonga haka rano izy. Hoy Jesosy hoe, "Itondray Aho hosotroina." Inona no Nataony? Niresaka taminy, tahaka ny hiresahako amin'ny olona iray eto ao amin'ny mpanatrika. Hoy Izy, "Itondray Aho hosotroina." Tsy mbola nihaona mihitsy izy ireo tany aloha.

²³⁹ Dia hoy izy hoe, "Nahoana, tsy fanao izao, manana fanavakavahana isika eto." Tahaka ny nananana tany Atsimo taloha, ho an'ireo sakaizantsika mainty hoditra sy ny sisa, saingy tsy manana an'izany intsony izy ireo. Ho an'Andriamanitra ny saotra, ny amin'izany. Noho izany dia hoy Izy hoe... "Manana fanavakavahana isika eto. Nahoana, tsy fanao izao ho Anao. Jiosy iray Ianao." Jiosy iray Jesosy. Izy dia Samaritana iray. Hoy izy, "Tsy fanao ho—ho Anao ny mangataka amiko, vehivavy Samaritana iray, tahaka an'izao."

²⁴⁰ Hoy Izy hoe, "Fa, ravehivavy, raha fantatralo hoe Iza no iresahanao, dia ianao no ho nangataka Tamiko hosotroina."

²⁴¹ Nampijanona an'io vehivavy tsara tarehy io izany. Dia niandranda izy ka nanao hoe, "Nahoana, tsy manana na inona na inona hisintonana Ianao. Lalina ny fantsakana."

²⁴² Hoy Izy hoe, "Ireo rano izay Omeko dia Fiainana mandrakizay."

²⁴³ Ary farany dia Hitany hoe inona ny olany. Firy no mahafantatra, ireo vahiny, mahafantatra hoe inona ny olany? Nanana vady dimy izy. Noho izany dia inona no Nolazainy taminy? Hoy Izy hoe, "Mandehana, alaivo ny vadinao ka tongava eto."

²⁴⁴ Nijery Azy izy. Hoy izy hoe, "Tsy manambady mihitsy aho."

²⁴⁵ Hoy Izy hoe, "Milaza tsara ianao, satria efa nanana dimy ianao, ary ilay anankiray izay iarahanao miaina ankehitriny dia tsy vadinao."

²⁴⁶ Hoy izy hoe, “Tompoko, hitako fa mpaminany iray Ianao. Ankehitriny, fantatray, fa rehefa tonga ny Mesia,” (Jesosy izany.) “rehefa tonga ny Mesia, dia Izzy no hiteny aminay an’ireo zavatra ireo, satria fantatray fa ho Izzy izany Mpaminany izany. Fantatray fa rehefa tonga ny Mesia, dia Izzy no hanao an’ity. Fa Iza moa Ianao?”

Hoy Izzy hoe, “Izaho no Izzy.”

²⁴⁷ Ary teo ambonin’izany, dia nihazakazaka nankany antanàna izy ka nanao hoe, “Avia, hijery Lehilahy iray, Izay niteny tamiko an’izay nataoko: Tsy Izao ve no tena Mesia?”

²⁴⁸ Raha izany no famantaran’ny Mesia omaly, ka Izzy no tsy miova androany, dia ilay zavatra iray ihany izany androany. Ankehitriny, mino an’izany ve ianareo vahiny? Ankehitriny, izany dia ho anareo ao amin’ilay laharana *eto*.

²⁴⁹ Ankehitriny, ho an’ireo ery, Soratra anankiray fotsiny, mba hanananareo zavatra hiankinana. Firy no mino fa Izzy no Mpisoronabe ankehitriny, izay azo kasihan’ny fahatsapan’ny fahalementsika? Isika rehetra...[Elanelana tsy voaraki-peo—Mpand.]...?

Ny Ray any An-danitra, Izay mahafantatra ahy, no mahafantatra, araka ny fantatro, fa tsy mbola nahita an’ilay lehilahy mihitsy aho. Ankehitriny mety efa nahita ahy izy ary mety efa nahita azy aho, saingy raha izany no izy dia tsy mahafantatra na inona na inona mikasika an’izany aho. Satria, efa teto amin’izao tontolo izao aho, ireo fotoana, nivavaka ho an’ny marary sy ny sisa, ary izaho—mety efa nihaona taminy aho tany ho any, na nahita azy, na zavatra iray, tsy fantatro. Fa na ahoana na ahoana, izaho—tsy mahafantatra na inona na inona mikasika azy aho. Marina izany. Marina ve izany, tompoko? Mba ahafantaran’ny olona fotsiny. Hitanao? Eny àry. Ankehitriny, mitsangana eto ho an’ny antony iray ilay lehilahy. Ankehitriny aiza ilay lehilahy izay mpihaza iray, Efferson, na, na iza... Eny àry. Tiako fotsiny izy hahita an’izany. Aiza ilay, aiza i Busty Rogers? Mitsangana ery mihitsy. Ankehitriny eto, ankehitriny Busty, mahafantatra ahy ianao. Atoa. Efferson, mahafantatra ianao (Marina ve izany? Efferson? Eny.), mahafantatra ahy ianao, niaraka nihaza isika tany Colorado, izaho dia—lehilahy iray aho. [Elanelana tsy voaraki-peo—Mpand.]

²⁵⁰ ...Mijaly avy amin’ny aretin’ny fikorontanan-tsaina ilay lehilahy. Izany no aretiny; satria manana prostaty iray ianao (Marina izany.), mitsangana amin’ny alina, sy ny sisa. Avy any Ohio ianao. Ary mikambana amin’ny fiangonan-dRahalahy Sullivan ianao na mandeha any. Mahita an-dRahalahy Sullivan mitsangana eto aho. Tonga miaraka amin’ireo Kidds ianao; izany no niarahanao. Marina izany. Eny àry, mahatsapa hafa ianao ankehitriny amin’izao fotoana izao. Niala taminao ilay izy. Ankehitriny, dia afaka mandeha mody ianao; ny

finoanao no manao anao ho salama. Ankehitriny, Andriamanitra hitahy anao.

Mino ve ianao ankehitriny?

²⁵¹ Ankehitriny dia tsy mahafantatra anao aho, ramosé. Toa efa mahazatra ahy ny endrikao, saingy ankehitriny, raha ny hoe mahafantatra anao, Andriamanitra any An-danitra no mahafantatra, fa tsy mahafantatra na inona na inona mikasika anao aho. Tsy fantattro izay tsy mety aminao. Tsy hanana fomba hahafantarana izay tsy mety aminao aho. Lehilahy iray izay mitsangana eo fotsiny ianao. Ary nanana karatra fangataham-bavaka iray ianao, eo...nanana nomeroa iray izany eo aminy. Ary ianao fotsiny... Ilay zazalahy no nanome anao an'io karatra io, ary nantsoina ao anatin'ny laharam-bavaka eto fotsiny ianao.

²⁵² Ankehitriny, jereo fotsiny hoe ahoana no isehoany. Hitanao, amin'ity indray mandeha ity fotsiny, sarotra kokoa izany, nanao betsaka ho ahy izany, ity indray mandeha ity, noho ny fotoana rehetra izay nitoriazo izao maraina izao. Misy zavatra mivoaka. Hitanao? Misy zavatra mivoaka.

²⁵³ Ry lehilahy tanora, tsy eto ho an'ny tenanao tokoa ianao. Eto ianao ho an'ny olon-kafa, ary izany dia a—ankizy iray. Ary tsy eto io ankizy io; ao amin'ny tanàna mahitsy iray izy: Kansas. Tratry ny karazana famelezana toy ny androbe. Androbe ilay izy, misy aizina eo ambonin'ilay ankizy.

²⁵⁴ Ianao dia manana fifandraisana iray, na, ianao dia... amin-dry Strickers. Tsy nanambady an'ireo anabavy ve ianareo rehetra, na zavatra tahaka an'izany? Marina izany. Mino ve ianao? Noho izany dia tsy hanana famelezana intsony izy, raha hino amin'ny fonao rehetra ianao. Satria nino ianao, dia ho tanteraka amin'ilay ankizy anie izany. Mandehana ankehitriny ka aza misalasala amin'izany.

Mino amin'ny fonareo rehetra ve ianareo ankehitriny? Ianareo olona rehetra? Mivavaka ho an'ny olona iray. Mivavaha ary aoka hanaiky Andriamanitra.

²⁵⁵ Itsy ramatoa mipetraka etsy itsy, mivavaka ho an'io nenitoa io, tratry ny homamiadana; itsy ambany itsy. Mino amin'ny fonao rehetra ve ianao, ery aoriana ery, mino ve ianao? Tsy mahafantatra anao aho. Tsy mbola nahita anao mihitsy aho teo amin'ny fiainako. Fa rehefa nandre ahy niteny tamin'io lehilahy io ianao mikasika ny zavatra izay noeritreretiny, mikasika ny havana iray, dia tonga teo aminao izany. Ankehitriny, mino amin'ny fonao rehetra ve ianao?

²⁵⁶ Ankehitriny, inona no nokasihany? Mila ny sasany aminareo olona aho, teneno amiko hoe inona no nokasihan'io vehivavy io. Roapolo dian-tongotra avy eto amiko izy ka tsy nikasika ahy mihitsy, fa nikasika an'io Mpisoronabe io izy. Hitanao ve, Busty? Hitanao ve, tompoko? Nikasika an'i Kristy izy. Tonga Kristy ka

miteny amiko an'izay nilainy, ankehitriny dia mahazo an'izay nangatahany izy.

Vehivavy iray, tsy fantatro ity vehivavy ity. Vahiny amiko izy. Marina ve izany? Vahiny isika. Tsy mbola nahita azy mihitsy aho teo amin'ny fiainako araka ny fantattro, fa Andriamanitra no mahafantatra azy. Raha afaka miteny zavatra amiko mikasika anao Andriamanitra tahaka ny Nataony tamin'ilay vehivavy teo amin'ny fantsakana, hanambara zavatra izay ao am-ponao, dia hanaiky an'izany ve ianao, ka hino fa tsy mety ho izaho, amin'ny maha-lehilahy iray, no miteny an'izany aminao, izany dia ho—ho Andriamanitra izany? Hino an'izany ve ianao?

²⁵⁷ (Ankehitriny, ity ve no roa, sa firy ity? Efa nanana telo ve isika? Roa? Roa? Eny àry. Eny àry.)

²⁵⁸ Voaaloky ny fahafatesana ilay ramatoa. Misy aloka mainty iray eo amboniny, satria tratry ny homamiadana izy. Marina izany. Miteny aminao ny dokotera fa homamiadan'ny tsiranoky ny glandy ilay izy. Marina izany, atsangano ny tànanao. Avy any lavitra avy eto ianao: Iowa. Mino ve ianao? Ianao dia manana ny, na zanakalahy iray, na, zafikely ilay izy, ary misy zavatra tsy mety amin'ny masonry, ka mivavaka ho azy ianao. Mino ve ianao fa afaka miteny amiko Andriamanitra hoe iza ianao? Rtoa. McKee, noho izany dia miverena any an-tranonao, ka aoka ho salama. Jesosy Kristy no manao anao ho salama.

Mino amin'ny fonareo rehetra ve ianareo ankehitriny? Tsy mbola nahita an'ilay vehivavy mihitsy aho teo amin'ny fiainako. Inona no manao an'izany?

²⁵⁹ Vetivety fotsiny. Fanajana, vetivety fotsiny. Mijery vehivavy mainty hoditra mihitsy aho mipetraka eto ery amin'ny farany aoriana; ary io Hazavana io, izay hitanareo eo amin'io sary io, dia mihantona eo ambonin'io vehivavy mipetraka ery amin'ny farany aoriana io. Minoa ahy ho Mpaminaniny, ranabavy. Mivavaka ho an'ny vadinao eo amin'ny dingan'ny fahafatesana ao amin'ny Veterans Hospital ianao; izany no HOY NY TOMPO HOE. Minoa amin'ny fonao rehetra ankehitriny; ho salama izy.

Inona no nokasihany? Io ilay vehivavy, vehivavy mainty hoditra iray, lehilahy fotsy hoditra iray, tahaka an'ilay vehivavy teo amin'ny fantsakana. Inona no nokasihany? Ilay Jesosy tsy miova. Tsy ilay vehivavy iray ihany izy, ilay vehivavy mainty hoditra, na, ilay vehivavy Samaritana; vehivavy hafa iray izy. Izaho tsy Jesosy, ilay lehilahy iray ihany; lehilahy hafa iray aho. Saingy mpino iray an'i Jesosy Kristy izy, tahaka an'ilay vehivavy; ary izaho dia mpino iray sady Mpampony, ary ilay Fanahy iray ihany no miasa amin'ity andro ity. Tsy maty Kristy, velona Izy. Tsy mbola nahita azy mihitsy aho na nahafantatra azy teo amin'ny fiainako. Ankehitriny, hitanareo, tsy voatery banana karatra fangataham-bavaka iray ianareo mba ho tonga

eto. Manana finoana an'Andriamanitra fotsiny ianao. Tsy marina ve izany?

²⁶⁰ Ankehitriny dia fantattro io vehivavy eo io, saingy fantattro hoe ho an'ny inona no ivavahany: io zana-drahavavy io. Mino an'izany ianao (any atsimo), raha hino amin'ny fonaô rehetra ianao, dia ho salama izy.

Ahoana ny aminao? Samy vahiny isika. Lehilahy tanora iray fotsiny ianao. Tsy mbola nahita anao mihitsy aho teo amin'ny fiainako. Mino ve ianao fa afaka miteny amiko Andriamanitra hoe inona ny aretinao? Raha hanaiky Izy, dia hanampy anao ve izany? Azo antoka.

Ankehitriny, izao fotsiny, manohiza mino ianao eo. Hitanao?

²⁶¹ Ny aretinao dia ao amin'ny tendanao. Tratry ny lozam-piarakodia ianao. Avy any avaratra ianao. Any amin'ny manodidina an'i Bedford no misy anao, Indiana. Marina izany. Marina ve izany? Noho izany ianao—mino ve ianao fa ho mety tsara ny tendanao? Satria mino ianao, dia ho tanteraka aminao anie izany. Miverena any an-trano ka omeo an'Andriamanitra ny dera. Aoka ho sitrana.

Manao ahoana ianao, tompoko? Mino ve ianao fa afaka manambara amiko ny aretinao Andriamanitra? Ianao dia mijaly amin'ny—ny aretin'ny fikorontanan-tsaina; izany no nahatonga anao tratry ny aretin'ny tsinay, hazon-damosina, tsinay. Avy any California marina tokoa ianao. Marina izany. Mino ve ianao fa Andriamanitra dia mahafantatra hoe iza ianao? Atoa. Murray? Eny àry, tapitra ilay izy ankehitriny. Miverena any an-tranonao; minoa Azy amin'ny fonaô rehetra.

Samy vahiny ve isika? Tsy mahafantatra anao aho, ary Andriamanitra... Tsy mahafantatra anao aho ary ianao tsy mahafantatra ahy. Vahiny isika, marina ve izany? Raha hanambara amiko zavatra mikasika anao Andriamanitra, dia hino ahy ho Mpaminaniny ve ianao?

Hino ve ny sisa aminareo? Izaho dia... Ilay izy dia manao ahy ho tena, tena malemy ankehitriny, hitanareo. Minoa fotsiny ankehitriny. Izaho fotsiny dia... Eto ilay hosotra. Fantatrareo izany, sa tsy izany? Ianareo dia—mahafantatra tsara ianareo fa izany—eto izany, hitanareo. Eto ny Fanahy Masina ankehitriny raha afaka fotsiny ianareo... Lasa malemy aho ka saiky tsy afaka mahita anareo eo intsony. Hitanareo? Ianareo... Raha toe-javatra anankiray no nanao an'i Jesosy ho lasa malemy, dia ho inona ireo toe-javatra fito na valo, folo eto, izay efa nananantsika, eto, nanerana ny mpanatrika? Dimy na enina na fito no teto amin'ny lampihazo niaraka tamin'ny telo, na efatra, na dimy, teo ivelany teo. Hitanareo? Mitondra ahy eo amin'ny toerana iray izay saiky tsy ahafahako mahita intsony izany. Toy ny hoe lasa mitovy amin'ny ronono fotsiny ilay vahoaka betsaka manontolo. Raha fantatrareo fotsiny mantsy fa izany no

hatevenan'ny Fanahy Masina mihetsika. Io Hazavana io izany, etsy, manomba eo ambonin'ny tranobe. Hitanareo, Izany dia, mitondra anareo ao anatin'ny fehezana iray Izy, ao anatin'ny toerana iray.

Ankehitriny, satria dia mitsangana eto ity ramatoa ity, ho anareo ao amin'ilay laharam-bavaka ankehitriny: Raha hanambara Andriamanitra (Eto, manangana ny tànako aho, tsy mbola nahita an'ilay vehivavy mihitsy aho, tsy mahafantatra na inona na inona mikasika azy), raha hanambara marina tokoa Andriamanitra, hamela, an'izay nataony, na izay maha-izy azy, na, eny, zavatra iray hafa mikasika azy, dia hino ve ianareo rehetra, amin'izay fotoana izay, fa izany dia, Andriamanitra no manao an'izany? Hino an'izany ve ianareo? Ary afaka ve ianareo—afaka hanaiky ve ianareo? Hino ve ianareo fa ho velona ankehitriny? Afaka ve ianareo... Mazava ho azy fa fantatro ny aretinareo, fantatro ny aretinareo, ny anareo, tsy miafina izany. Hitanareo? Andriamanitra no manambara an'ireo zavatra ireo, saingy raha hino fotsiny ianareo.

Ankehitriny, handalo aho ka hametra-tànana eo aminareo satria lasa tena, tena malemy aho. Ary fantatro ao amin'ny bitika kely, eny, izaho—tsy afaka mahita intsony aho, hitanareo.

²⁶² Ankehitriny, minoa amin'ny fonareo rehetra. Tsarovy ankehitriny, tsy izaho ilay izy. Ny olona rehetra dia mahafantatra an'izany. Izany dia ny Fanahy Masina. Ah-hah. Ankehitriny, raha afaka mahazo ny fanahin'ilay vehivavy aho. Izany ilay zavatra iray ihany izay nataon'i Jesosy. Niegaza nahazo ny fanahiny, hoy Izy hoe, "Itondray Aho hosotroina."

Indro misy lehilahy iray sy vehivavy iray, tahaka ny nisy tany fotsiny. Ankehitriny, vehivavy tanora iray ianao, tanora lavitra noho izaho. Ankehitriny, angamba, angamba tanora kokoa noho Jesosy ity vehivavy ity. Teo amin'ny telo amby telopolo taona teo Izy; ary izy angamba tsy nisy afa-tsy valo ambin'ny folo na roapolo taona, vehivavy tanora iray fotsiny. Ary izy—izy—zara izy raha nahafantatra an'izay ho lazaina saingy rehefa niresaka taminy Izy dia hoy Izy hoe, "Itondray Aho hosotroina."

Ankehitriny dia ny Ray no naniraka Azy hankany Samaria. Teny amin'ny Lâlany nankany Jeriko Izy, fa nandeha nankany Samaria Izy; any ambonin'ny tendrombohitra izany. Nahoana Izy no nanao an'izany? Izy no nilaza fa nila nandalo Izy. Ny Ray no naniraka Azy tany. Eny, tonga fotsiny Izy ary nipetraka, ka naniraka an'ireo mpianatra nankany an-tanàna mba hitondra zavatra ho hanina. Ary nivoaka mba haka rano ity vehivavy tanora tsara tarehy ity, ary ny Ray no tsy maintsy nilaza hoe, "Miantso azy Aho."

Hoy Izy hoe, "Ravehivavy, itondray Aho hosotroina." Dia nanomboka ilay fifampiresahana. Ankehitriny, ilay zavatra iray ihany eto.

Nametraka ny tanganareo teo amin'ny palitaoko ve ianareo? Ny iray aminareo? Tsia tompokeo. Andriamanitra any An-danitra no mahafantatra fa nisy Zavatra nikasika ahy arak'izany, rehefa... Nihevitra aho fa Billy no niteny tamiko mba hiainga. Hitanareo. Izaho—izaho—ny tanganako, Andriamanitra no mahafantatra fa marina izany. Nisy Zavatra nikasika ahy tahaka an'izao ka nihevitra aho fa i Billy no niteny tamiko hoe, "Ndao handeha." Hitanareo, izaho—rehefa lasa tahaka an'izao ianareo, dia saiky tsy mahafantatra ianareo, tsy fantatrareeo hoe rahoviana no hijanona na inona no hatao. Hitanareo? Saiky any ankoatry ny tenanareo fotsiny ianareo. Inona no noresahako? Ilay vehivavy teo amin'ny fantsakana.

Ary avy eo rehefa avy Hitany hoe taiza ny olany, dia hoy Izy hoe, "Mandehana, alaivo ny vadinao."

Hoy izy hoe, "Tsy manana anankiray aho." Ary niteny taminy Izy, nilaza fa nanana dimy izy.

Noho izany dia hoy izy hoe, "Hitako fa mpaminany iray Ianao. Fantattro fa rehefa tonga ny Mesia, dia Izy no hiteny aminay an'ireo zavatra ireo."

Ankehitriny ho ilay Mesia iray ihany ve izany androany, raha afaka miteny zavatra aminao aho, zavatra izay tsy mety? Raha tsy Andriamanitra no manampy anao, dia ho faty ianao. Tratry ny homamiadana ianao. Ankehitriny, mino ve ianao fa afaka miteny amiko an'izay misy an'io homamiadana io Andriamanitra? Ao anatin'ny kibo ilay izy. Mino ve ianao fa Andriamanitra dia mahafantatra hoe iza ianao? Mino ve ianao fa Andriamanitra dia mahafantatra hoe avy aiza ianao? Avy any Illinois ianao. Ianao dia—ny anaranao dia Rtoa. Johnson. Miverena ka mivelôma. Jesosy Kristy no manao anao ho salama. Mino amin'ny fonao rehetra ve ianao? Izao fotsiny... Aoka izy ho velona...? Misy antony ny nitenenako taminao mba ho velona.

Ray any An-danitra, amin'ny Anaran'ny Tompo Jesosy, mametraka ny tanganako eo amin'ilay vehivavy aho ankehitriny; eto ny hosotry ny Fanahy Masina. Sitrano izy, Tompo, amin'ny Anaran'i Kristy, Jesosy.

Andriamanitra malala, eo amin'ny rahalahinay sarobidy, izay Notehirizinao ny ainy tany, tamin'ny Aogositra, O Andriamanitra mpamindra fo, tongava eo aminy ankehitriny, raha mbola manusotra ny fonay ny Fanahy Masina. Fantattro ny fitsapana an'ny rahalahiko. Sitrano izy, Tompo, ary ataovy salama izy...?

Tratry ny aretim-po ianao, tratry ny diabeta ianao; fantattro fa mijaly ianao, na izany aza, izany dia...?

Ry Rainay any An-danitra, ity lehilahy ity dia...? tsy maintsy mahita Anao izy fa raha tsy izany dia maty. Tiany ny handeha any amin'ny hopitaly...? Mamelà ny fahotany ka

sitrano ny vatany amin'ny Anaran'i Jesosy Kristy enga anie izy ho velona. Mandehana mody, mandehana.

Eny àry, eto, entonareo rehetra mody ity rahalahy ity.

Ry Andriamanitray sarobidy, amin'ny Anaran'i Jesosy Kristy, ny tànako eo amboniny raha mbola akaiky ny hosotry ny Fanahy Masina. Aoka ny olona hahafantatra an'izany. Aoka izy ho sitrana.

Andriamanitra Ray, raha mametraka ny tànako aho (ny tànako, ny vatako tsy mendrika, lò, lò sy ratsy; saingy eo amiko ny Fanahy Masina ankehitriny), enga anie ilay hery izay afaka mamantatra ny eritrerity ny fo hikarakara an'ity vehivavy ity ka hanasitrana ny vatany, amin'ny Anaran'i Jesosy.

Andriamanitra malala, mahafantatra ny rahalahiko sy ny toerany, mahafantatra fa io sakana amin'ny fitenenana io... [Elanelana tsy voaraki-peo—Mpand.]

O Andriamanitra, ity lehilahy tanora ity, miady ny ady tsaran'ny finoana, mitsangana ao amin'ny Fanatrehan'i Jehovah-Jire, ilay Fanatitra nomanin'ny Tompo, enga anie ilay hery izay nanangana an'i Jesosy avy tao am-pasana, hikasika azy izao ankehitriny izao. Omeo azy ny fanirian'ny fony, amin'ny Anaran'i Jesosy Kristy. Amena.

²⁶³ Tompo Jesosy, mametraka ny tànako eo amin'ny anabaviko aho. Amin'ny Anaran'i Jesosy Kristy, enga anie ho salama ireo maso ireo. Enga anie ny—hiala amin'ny vatany ny fahoriany, amin'ny Anaran'i Jesosy Kristy. Amena.

²⁶⁴ Ry Rainay any An-danitra, ho an'i Kidd Anabavy keliko, mivavaka aho mba Ianao no handresy ao anatiny, ka hanome hery azy ao amin'ny fahanterany tahaka ny Nataonao tamin'i Naomy. Tompo, enga anie izy mbola hampiasaina foana ho an'ny Voninahitrap. Ekeo izany, Ray, amin'ny Anaran'i Jesosy Kristy.

²⁶⁵ Avy eo ho an-dRahalahy Kidd, Tompo, namely azy io fahafatesana io, fa ny Fiainana no namerina azy. Andriamanitra, mivavaka aho mba Hitehirizanao azy hatanjaka. Efa nihoatra lavitra ny fotoana voatsinjara ho azy izy. Fa Andriamanitra Ianao, ary Ianao no hanao an'izao ho an'ny Voninahitrap araka ny Nampanantenainao ahy tany amin'ilay hopitaly. Ankehitriny, omeo tanjaka izy ho fijoroana vavolombelona. Enga anie ny fijoroany vavolombelona haneno manerana ny fanjakan'i Ohio, manerana an'izao tontolo izao. [Elanelana tsy voaraki-peo—Mpand.]

Io Jesosy io no manasitrana ahy ankehitriny.

Horaisiko amin'Ny Teniny Izy . . .



ILAY HAVANA MAHAVOTRA MAG60-1002
(The Kinsman Redeemer)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 2 Oktobra, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org